

永樂大典

卷一萬八千七百

七十一

永樂大典卷之一萬八千七百七十一

十九教

命 諸家星命百三十三

壬辛鬼谷分定經八卦 馬陣橫空格 天高地迥難憑人有志堪宜生
 羽翼馬陣橫空各自飛 雁鴻江上應孤隻 要知花果深蹤跡 花落枝頭俱
 教速向雲深處 好安身 設自經營勞苦力 貪狼 玉簡 天喜 此星照
 命孤高獨立 秉性聰明 分憂人少 趨閑人多 廣招是非 於人不足 好事多
 磨 閑中不靜 惡處成活 貴人在命 空得弄波 衣祿有分 人事未知 一生凡
 事 勞心費力 便是這箇 命中所注 述云 孤舟無楫 棹 大海遇風波
 康節前定數 金烏垂照格 天高不是加丈人 有志宜謀生 羽翼馬陣
 橫空 各自飛 秋鴻江上 應孤隻 有花一果 通消息 無枝無葉 寄蹤跡 雲中
 片屋 住其家 獨奮剛強 費心力
 中說着教君笑 時時見是非 樽前莫飲酒 遇鼠自相宜
 本初限進退 未惟忻無事 清高却出群 天外有梯何足慮 成身須遇紫羅人
 男命前定易數 夫 三三

雲中片屋宜君處 險裏安身智自高 剛志立時名利聚 人情和處是非饒
 塞鴻速陣揚風烈 鴛侶離飛為力勞 若論芳園堪倚處 經霜耐雪一枝牢
 智鉤心距設勞神却喜 中年脫離塵有祿 有財家自足 雍兄和弟事重新
 面朋面友懶追逐 結髮通心微可親 更若操心留禮義 賜飛千里號仁人
 是非窟裏奮雙拳 剛健謀猷事兩全 莫訝中年心未快 須知他日祿宜遷
 空中三馬各飛遠 池內雙鴛意漸聯 若解知機心速早 安榮甜樂享高年
 虎與兩翼可崢嶸 繞過風雲智自生 用盡心機當晚歲 做來活計勝前榮
 風吹馬字何踪跡 露雨洒花枝 謾稱情莫道 磁基安似石 須防失手有欹傾
 勞力勞心幾許難 儘疑計拙處人懷 曉達鼠馬回心日 便是高人得意間
 天外施鴻三隻遠 檻前花果兩枝開 門庭若也存雙果 輕似秋毫重似山
 與君立業事難憑 自把心機整頓成 龍虎群中方立事 鼠蛇窟裏好揚名
 排空三馬聲聲遠 傍檻雙花朵朵頌 莫訝門闌無秀氣 佇看揚譽在寧馨
 女命
 前定易數 復 三三三
 花謝庭前果未全 君師失戶氣相連 若奔他鄉財定失 更無狼籍在樓前
 交頭鴛鴦情分喜 施恩鴛鴦自團圓 鼠去虎來無慮忌 寧心享用取安然

永樂大典

卷一八七七

卯後已多因厄難人回心遮莫惹風塵放下一時安受制免尋有事費精神
 綉幙低垂身必穩幽閑寂寞事諧新兩兩飛鴻隔山去冥中終遇一賢君
 已立計辛勤事業成初年每望幾時榮逢牛得遇賢君合見鼠方當福祿迎
 庭前黃葉無人掃檻外飛鶯晚曉聲且問前程當久際東君留意喜重亨
 未喜氣重重入戶新更逢心巧性超群侍貴終須達吉耗孤身行守必灾逃
 驚奮交頸施恩重蝶翻粉翅輕龍蛇變化成家計不用憂疑自脫塵
 困伴孤憲夢未醒忽聞馬叫報杖聲惹我舊時情意動得君近日結新盟
 堪嘆春光容易老未知林木幾時榮且看猴兒來春戀不應虛度誤平生
 亥水面金魚徒自樂人來觀處影無蹤重山重水家何在衣袂飄飄適逐風
 羊犬歸時財有泰龍蛇成立必盈豐展轉細思如一夢前程再立始無凶
 四字金 丑 一箭穿雲 卯 稔歲倉箱 巳 牛眠春草
 未 石上栽蓮 酉 風清月白 亥 菊綻東籬

郭璞數 斷男命與前庚辛同 斷女命與前丙乙同
 士士鬼谷分定經坎卦 池沼遊魚格 生計如魚戲水池臨危涉險亦
 無危鴻飛天上無消息必竟傷心意緒悲青草池塘鴛鴦失洞度湖上客
 船稀知君箭發龍蛇地莫怨如今未得時春來又復秋如水向東流若問

安閑日重山好牧牛 天暗 天器 天庚 此星照命難為父母祖業
 可留兄弟宜速娶室難求清閑消洒自在優游一翻事作兩翻做一重煩
 惱一重憂高人舉用小輩狀即述云
 自有貴人相舉荐 何須回首夕陽樓
 康節前定數池沼遊魚格 詩與分定經同
 中生計如林春又秋百川水泛德東流終身必在安然地好把重山與牧牛
 未前程作事多彌補幾度生涯費力成骨肉祖親難倚仗孤權立獨自經營
 男命前定易數 坎 三三

子擬把生涯付兩山不期財利自相便更將志氣來時用錄作危疑惱破顏
 庭下芳花墜結果天邊孤雁去無還鼠蛇欲決行成事回首湘江淚竹班
 寅從前積善逢今日猶自吁嗟不過時幸得東君輕借力通來枯木盡生枝
 馬群隻隻離山去花謝雙雙結果垂遇得危危蛇鼠地不為奇處也為奇
 辰丹梯雲路家榮顯為報斯人不必臨巢窟是非難日積前程生計且留心
 雁行未必群居久花朵雖開色不禁若問根基必如此不如向善止山林
 午擬看花木滿山紅時被天工特地風情意豁然無懶僻此身漸欲達亨通
 征鴻別去迷天際飛燕成窠在木中雞鼠嘴頭微有咎猪龍窠裏異形容

永樂大典

卷一八七七

卷一萬八千七百七十一 第二頁

申 前程去路如天遠人意行時是白雲舉足偶然離險阻成身終是有玄練
花因春去難成艷馬為秋來易別群借問百年人事異利名消息為君分
戊 前後高低不足論宜將身計兩邊存半羊一路荆榛地猶允兩年歡慶門
馬字天邊空嗷嗷花枝庭下落紛紛若解棲身居物外操持權譽四方聞
女命

前定易數 離

三三二

子 情懷慷慨立錫基做就榮華儘自奇春水魚遊情必樂明月輝殘影更微
梁燕呢喃尋故侶林鶯晚晚喚離兒時來遇貴無多日羊至昂依盤舊機
寅 半空鴻鴈自南飛嗟嗟夜聲惹舊愁幽兀坐心孤苦末戶微聞感翠眉
若使馬頭相遇處須當財食發良時東君必竟終留意但自安心守綉幃
辰 青雲皎潔月團樂人事歡娛心自寬朱顏不改舊時美粉黛難同愁淚潺
難唱一絳消息好鶯吟百轉意稠珊鼠未吉兆依然至綉幃低垂日飽食
午 粉態嬌羞未見功欲逐大貴氣牛中金杖桂放侵明月玉葉花芳阻亂風
燕雀空飛分上下鸞鳳兩隻各西東生涯只在瓶邊結莫嘆當來孤守蹤
申 奈何分定在山前山嶺危危度履難身心不穩遭多難緣業徘徊隔片山
風排馬陣穿雲去雨打花枝點石斑與其飄泊長如此不若留心雲水間

戊 昔新不改舊時容得貴相扶綉幃中情性雍容無大患身心和氣有新工
朱簾半捲團圓月綉扇輕搖胎蕩風徘徊故里家何在指點前山勢氣雄
四字金 子 磨硯作鏡 寅 春日枯枝 辰 坐井觀天

午 盤葵向日

申 旱田枯樺

戌 鳳出蓬鸞

郭璞數 陽局一馬飛 井中生蓮 一屋倒美恣恨貴支吾財上一鼠
耗事了不了况分晚刑妻不足一爐香 昨夜秋天過馬稀堂前秋月照
輝輝池塘秋雨驚鷓鴣驚靖節難遺菊滿枝 一語各西東一堂香篆空一
衣重着起一語別匆匆 一笑為誰惆悵去回頭花柳自春風平生不享
祖宗福任有財糧心勞碌獨自支吾力有餘異日橫財金滿屋 可惜生
來命帶刑別離南北弟和兄思量幾度傷心處片片浮雲蔽月明 早年
莫嘆無謀遇自有高人青眼顧多少榮華在後頭青雲萬里登奇路 走
馬着甚歡秋風吹盡馬離群不見根苗各苦辛鶴唳氣高傷鯁直駕行親
眷不成偷瓊珠滿屋成還破雨露榮華自有因玉佩金魚人着力豈知容
易一犁春 流年一人立 事可笑可泣緊要一場弄秋裏開一場善秋
懷夢一場憂惹秋秋謀事生憂老空生惆悵怕皺眉樣意向茫茫未有涯
月方明庚被雲遮橋危馬病無舟楫回首斜陽山外斜 楊花落處雪霏

霏喜後憂先滂子規啼盡青錢人冷落唐心磨腹皺雙眉 福未為事自
然貴當入梅花選得地只防喜處變成憂驚老乘空垂別淚 一事兩人
扛一契為田庄事來宜忍索免得罵今將 人財却有富昌言公風事務
忌干連反覆勾加大索牽螺螄自家防吼咀笑談鬼賊暗相煎

陰局五行安總會指和更喜星辰一向多其道繁華本如意到頭伏活任
高歌 生來伶俐心了了快性心機多解曉春風桃李花開夜家事紛紛
蜂蝶迷 半開半喜半悲憂做個根基在後頭只是數傷刑趁重夫官
一段鎖眉愁 一鱗走一珠黑春蘭葉嫩難禁霜芙蓉開處映黃花晚

景下稍滋味別 女流年去年煩惱過今年春信愁聞夏信傳火動三烟
榴菊節鴈行雙口火聲連 一珠掌上被塵欺嫩笋風摧意慘悽愁鴈聲
聞人閉閣梅花伴月映深閣 喜去憂來事兩途憂成真實喜成虛怨恨

花開無限事夢中收得夢中書

山災 生事 麻衣 鷓鴣 喜 破財 賊 病 山下

壬癸鬼谷分定經蹇卦 花柳同榮枯 萬里關山東復西後前事業是
成非蘆葦馬別雙雙遠雨打鴛鴦兩度飛綠樹春華秋深葉脫獨
存枝知君貴在君目下只恐天年又不齊遇雨兩相宜庚年忌是非遠山

逢虎日龍到更為奇 天笑 天印 天聽 此星照命五行安穩四柱

堅牢基業見成一呼百諾名傳閣里德譽鄉闈此憂中有喜喜處成悲

迅神重重財物未如驟雨去侶流沙正是花巧得未花巧去散時容易聚

時難述云 衮衮生涯閣未得 區區享福晚年閒

康節前定數 柳岸栽桃格 詩典分定經同

中平生遇雨多相稱每見庚危及水刑虎志遠山威自勇龍兒跨海喜光新

末碌碌事勤破與成關山險難喜無驚今遇貴人添力祐命逢得泰晚通亨

男命前定易數 蹇 三三

身心多未定 時至却安然 幸處憂中樂 榮因善處遷

鴛鴦成密散 鴻鴈不成聯 遇雨多相稱 逢庚更可吟

卯 萬里鄉關東又西從來到老奮身馳蘆花過鴈雙雙遠雨打鴛鴦兩兩飛

虎戀遠山威自勇龍跨海意相隨終身計在榮高地只恐天涯未遇時

冷君情性不驕着天使功名付爾時丙旺庚衰如得脫龍吟虎嘯自榮華

鴛鴦合處心難却鴻鴈聲頻意自餘此理若能明到底跳凡日月地仙家

鄉關萬里覆東西浩浩生涯心奮馳撞着丙庚情緒恍相投猴狗利名奇

未 蘆花過鴈聲聲遠雨打鴛鴦雙雙飛若解高超雲物外震風凌雨免傾危

酉 鄉關雖萬里 南北奮心馳 利名絕過也 心意亦周之
 屬別蘆花遠 花透果苑蓮 見庚多險難 遇丙却真奇
 氣象諒仍靜 機關詩慮多 也知名利好 爭奈運蹉跎
 亥 遇丙方相稱 逢庚塞又過 馬跡驚侶薄 歌笑老東坡

女命 前定易數 師 三三三
 春風胎蕩拂羅衣和氣都歸歡笑時朱門得意無憂慮綉幕安心少禍哀
 鼠頭自有成人美牛尾依然晚福隨身心和順家當立更遇英雄權桂兒

卯 心事事難測 收束放去問 先歸如拾得 猴會却開顏
 秋老鴻應遠 春歸蝶子還 情懷雖廣大 唯恐不安閑
 堪笑多榮辱 生來老百般 雖逢龍窟變 爭奈鼠窠難
 情意人俱悶 心懷君自慳 安心塵垢裏 方得免哀殘
 離身出外居 資財多定無 縱健榮且貴 不免破深孤
 雙燕尋梁語 孤鶯求友呼 但教逢晚景 却得貴人扶
 百事不遭迤 平生最出群 操累能更變 身心福侍名
 暢懷多喜悅 滿意旺夫門 為家成俊效 終必策高勳

巳 性理人難測 心安動靜稀 門庭多顯耀 夫主必瑰琦
 富貴當今日 歡娛異昔時 全身衣祿厚 未意更慈悲

未 四字金 丑 掘底逢金 卯 龍盤虎伏 巳 冰玉清潔
 未 出岫雲開 酉 兩裏浮洋 亥 盤裏芙蓉

亥 郭璞數 斷男命與前壬戌同 陰局生來性慢識機謀不覺翻成強出頭幾度醉筵驚夢覺月移花影上
 西樓 氣識清高還異眾車立把家有權用多謀多計會支吾到底有緣
 還福重 關心家事暗思惟龍蛇相會免傷難兩歲風光緒結果他年貴
 子步天擘 女流年道泰今年氣象新花開日暖關精神蘭房瑞氣尤清
 奕鴛鏡相連鏡裏人梅子垂黃苜綻蘿堂中女子會佳期欣欣牛女逢人
 笑自嘆他人有別離 三人謀 憂喜 老人災 水驚 怪異

癸甲 鬼谷分定 陰顯卦 月華秋夜格 雙雙鴻雁飛霄漢獨對秋光月
 更明煙霧霧橫千里遠行人猶憶馬嘶聲名成利就還中末早歲奔馳事
 未成更問年春誰是伴兒男東畔向西傾橋水却難逢關山兩樹紅騎牛
 逢速路必遇主人公 天悔 天龍 天哭 此星照命為人豁達稟性
 聰明不耐靜要尋頭會禱持能就省兒女有不得力錢米不能周急樂處

未能樂憂中却有歡作事躊躇多思慮凶事不凶山中却有救神
康節前定數月華寶玉格 塞空鴈陣歸清漢獨對秋江月下明煙霧遙
空千里遠行人獨聽馬嘶聲榮財積帛與中末初主區區更不成試問老
來誰是主隔花兩岸兩青紅
中水畔橋造不易逢隔花兩岸景青紅騎龍漸漸登雲路鼠過中年遇主翁
末氣宇崢嶸志未伸頗有夤緣晚始成每到憂中還有救作箇清閑快活人
男命

前定易數 順 三三

子 前程必遇公侯貴正值高臺是福基莫謂青松傲霜雪還知脩竹耐操持
鴻飛江上斜孤影花發庭山綻兩枝道至人和非我力楊花飛起馬蹄隨
寅 獨化衣冠易舊塵過橋朱紫贈青書雖言子美非為美料想相如未必如
江外鴈飛三隻遠檻前花放兩枝疎挺身終在功高地更訓先孫樂故居
辰 秋菊春蘭興有時何須苦恨事未遲君知莫是仙鄉客天使先難後有奇
去鴈一行橫遠野飛花兩朵謝疎籬基必入青霄上犬馬應須慎險危
午 出身多涉辛勤處始得安閑禍又興十仞高臺應險峻一心舉步直須登
鴈飛橫外蹄程遠花放園中色未懸終是利名無大旺扁舟不見巨波澄

中 莫將苦事等閑看歷盡危途道始安桂月重圓雲霧散蛇龍可使混泥蟠
天邊去鴈飛鳴遠窻外鮮花帶果殘得氣利名雙副意何須執釣向清灘
戌 身心勞苦成基業去路巍巍尚未通直待鼠來侵玉兔方教蛇去化為龍
雙雙飛離鴈沙去朵朵疎花帶雨紅幸喜此身成老大堪傷親舊關西東
女命

前定易數 順 三三

子 二青春貌最嬌中年福慶永高超為人多主成還敗為計應須逸反勞
奇果隨風埋土換前程孤立護心豪虎羊微有安閑地本主爭知去路遙
寅 養拙羅幃莫怨咨心高性巧有操持家能卓立身更改時既榮華祖別離
牛鼠比和皆吉兆虎羊福祿不相虧千里文書傳好語安心幾日必榮歸
辰 紅桃連雨便離披但恨平生心戚戚若為家業破無成惟有榮華休強覓
得意時來資陰助為人難免災虞逼前程丈尺使誰量不到中年壽難測
午 出門便見杏花紅一路榮華福慶崇去改門間好光飾存居墓宅足盈豐
左右雲鬟同擁從尊卑月侶自和同滿堂瑞氣祥雲照清貴揚名立大功
申 冬去春來得幾時北轉南風特地吹重水重山路何遠千般百計是非隨
早得大家宜再改若招子息定愚癡匪遠良時遇龍虎又從絕景發光輝

永樂大典

卷一八七七

卷一萬八千七百七十一

第七頁

戊 早離慈親策自長他鄉發跡保榮昌改換門庭多吉慶淹留必是有灾殃
為人定主能權立處已那堪性善良東君信息看看至富貴雙全豈可量
四字全 子 青青翠竹 寅 登樓賞蘭 辰 秋首疎開
午 岩頭走馬 申 披雲對日 戌 紙盤堆玉

郭璞數 斷男命與前戊甲同

陰局躊躇幾事掛心頭多少與哀一段愁好事做來成惡意施為巧處反
為難 平生不好施紅粉獨自經營立根本夫妻勤苦遇高人得地文書
心地遠 猿啼夜月照人閑獨對孤燈惆悵間風雨落多少恨三盃分付
酒開顏 一番喜後一番傷一底街花過夕陽莫道眼前不如意雙雙一
躍喜非常 女流年笋嫩風搖恐折枝海棠花綻被霜欺斜鴈影落西山
去杜宇愁離鴈字稀 喜喜憂憂疊有愁鳳鸞分散景難留麻衣顛倒三
秋節川大驚人事不周 口舌多 心刀山 田土木竹山 守婦 否卦
癸乙鬼谷分定經 盡 鵬鴉弃梧格 鵬鴉離梧別幽谷飛過巖前立奇
木鴈飛天外怨聲悲鴛鴦戲水多翻覆處處花開我未開我花開時風雨
觸勸君不用苦經求晚年自有千鍾祿運至馬牛時凡事悉皆宜
天壹 天雨 天逸

此星照命聰明曉了諸事執直鐵基自好心裏不足五行穩潤四柱得局
外觀好看裏面不足靜中尋出不靜思中成怨憂處不足迷云
休道從前虛度日 始知牛馬是豐年

康節前定數 鵬鴉棄松格 詩與分定經同
中 平生未遂志 貧富無非足 但遇馬羊牛 凡事皆可欲
末創立鐵基世路難欲榮事業歷艱得過水木人相接顯達成名頃刻間
男命

前定易數 盡

三三三

丑	鵬鴉飛颺去	騰身得意秋	交情親分薄	財祿晚年優
卯	江鴈飛空去	園花風委休	桃源仙路徹	何必待西周
巳	懷舊空存恨	趁新意未開	乖離賢目拙	飄泊易成難
未	鴈隱雲天闊	花開風雨閑	清江風寂寂	殘照下西山
未	一段事涯事	年來漸漸成	因緣家外立	財祿晚來榮
未	鴈陣分飛去	花枝艷態輕	前程意莫問	知足免玲瑯
未	成家莫嘆多遲滯	擬生涯子午中	貴客必期多美利	親交相見逆情衷
未	鴛鴦失隊難尋侶	鴻鴈孤飛不見蹤	堪嘆生涯幾多事	南柯覺後夢魂空

重山重水奈何為一去一來財聚離有膽向前名利害緣情結托少交知
馬聲嗚嗚江邊遠花朵紛紛野外垂借問平生何處好白雲深處好依樓

亥 身名期兩立 志氣屈須伸 事逐春雷變 心機後苦辛
遠天歸馬急 小檻落花頻 借問君家事 中教破復成

女命 前定易數 履 三三

丑 試問前程事 憂虞且奈何 只緣衣食薄 至老直奔波

不向夫榮貴 終遭業障磨 修心行善意 方始得安和

卯 鼠羊增福慶 操持意氣高 前程旺夫位 處世進身豪

破祖又離鄉 幽閨憶父娘 終年何足慮 福祿自堅牢

只恨孤哀早 惟修性善良 終身自華飾 暗疾免刑傷

人道沒磁基 安心用待時 前程如一夢 獨守他方

冬被嚴風掃 秋娘烈日欺 何時得一足 直待鼠扶持

祿破魚傷已 吁嗟勢未衰 興隆龍虎會 方得己身牢

兩目爭明處 雙窠自苦勞 出山并出水 蘭蕙脫蓬蒿

亥 操持用事莫辭勞 天稟聰明付汝曹 身安意樂須重顧 名達財豐不厭高
雲外良人勸着眼 雨中奇果自堅牢 待得鼠羊歸計後 水平風靜免波濤

四字全 丑 春後茶蘼 卯 爛石補天 巳 城頭松柏
未 蠅附馬尾 酉 明月蘆花 亥 衣錦塗炭

郭璞數 斷男命與前戌乙同 斷女命與前庚丙同
癸丙鬼谷分定經 貢卦 金榜題名格 龍樓鳳閣帝王城 草屋柴扉

貴祿名金榜 唱名應自別 窠中君子駭然驚 江邊馬過空移影 對對遠飛

只聽聲試問前程何所是 妻兒子女晚年成 命中逢犬喜來牛必見 函馬

頭相遇日喜氣必重重 司諫 石闕 天昌 此星照命聰明之宿人

皆仰之性直心慈 招非惹是喜怒不常理 直睹是親戚和而不同朋友和

而不美便是這箇命中所注 康節前定數 金榜掛名格 龍樓鳳閣帝王城 草屋柴扉 隱貴人 俗事不

干宜省 順窠中有子盡歸京 天邊馬過歸何處 陣隊逢天只應聲 借問長

安消息 好穗攀月桂 送歸程 中過犬憂中吉 逢牛吉又凶 隨龍前見馬 平地到天宮

未 重重經歷豈雲停 胸次情高志出倫 造化亨通皆得意 命中財祿向前程

男命

前定易教 責

三三

子

虛祿君還有 凶灾不免逢

知心能幾許 立業本全通

寅

去鴈空留影 花枝莫處紅

故鄉人不見 依舊月明空

辰

春到枯枝綠 蟾圓萬嶠明

安心全大用 舉計立前程

亥

鴻鴈南歸去 庭花晚景榮

功名無事日 棲隱有餘清

申

疎親君獨立 負重漸離肩

青月人相會 丹心自己便

酉

利名終老過 鴻鴈落江邊

若問家何在 人歸范蠡船

戌

鍾基詎可為 君計畢竟年深轉見難

俗事半懷人 泪沒舊交相際轉關珊

亥

休傳萬里歸雲 鴈好問千重遠 金山此理曉然君自覺 不須說起泪欄干

子

鋒芒神劍初離匣 一片清光射斗牛 猴鼠相連權勢重 犬羊同會利名優

丑

鴻鴈難離沙外 遠好花鏡鏡樓前 綢龍樓鳳閣重重 貴到老身心不自由

寅

居祖非君計 無知是我緣

他時須自立 往事任推遷

辰

琴有傷人意 鴻為音信傳

人生難可斷 變化有機權

巳

女命

前定易教 豐

前定易教 豐

三三

子

幽谷裁奇木 崢嶸發早春

欲從斤斧斷 須待雪霜晨

寅

反覆家何在 危難事後新

若逢榮貴地 鼠尾脫荆榛

辰

未過身心樂 須防有舊灾

中年纔得脫 大福逐猴來

巳

貴客相逢喜 良人安在哉

欲知蒲洒地 獨樂步高臺

午

正對秋深月 蟾輝特地新

憂危行漸脫 福祿不辜身

未

燕轉呢喃語 鶯啼曉曉吞

身心閒未得 聊作羊孤人

申

如將倚立百年身 好惜光陰且守心 知得東君西畔立 鳳凰成在竹林陰

酉

花容恣逞美 姬貌玉指時 彈越調琴君 還借問歡娛處 十里黃沙變作金

戌

守志修身閑未 遂年光易失 漸離棄得時 有意龍羊首 憂險灾危馬入懷

亥

兩兩分飛無定跡 雙雙對語老難諧 若問歡娛榮合日 吉來便有冗紛來

子

生來直自孤 姻親有若無

恩情雖若美 謀計兩相圖

丑

且守幽閑好 當思時事殊

待石相會過 鼠馬莫躊躇

寅

四字金 子 囊裏寫琴 寅 露滋蓮房 辰 岩畔葉飄

卯

午 花落過雨 申 披雲見日 戌 走馬爭衢

辰

郭璞數 斷男命與前戊丙同 斷女命與前甲丁同

巳

癸丁鬼 谷分定經卦 鸞鏡重明格 平生似玉無瑕玷 百年磨難末

永樂大典

卷一八七七

能成良工巧匠琢成器早年應須遇貴人霜馬過漢三四隻松筠帶葉各
杖青如君意在行雲外半把金銀伴月明遇馬行十里逢雞始過橋鼠牛
心未足龍虎自逍遙 貫索 天瓢 天戲 此星照命資財多費力多
恩愛煩惱多親恩如水炭兄弟不比和贊力受弄波孤不盡妻不和美只
喜得這神重山中不凶迷云

從前騎虎多不利 今日乘龍便不同

康節前定數 琢玉成功格 詩與分定經同

中遇馬行十里 逢鷄度峻橋 鼠牛遊不定 龍虎盡歌謠

末初限災祥方未免中年快樂不須求縱使灾厄無大咎晚年享福喜優游

男命前定易數 剝

三三

榮華道亨時 成身慮復疑 不須垂玉淚 終見有光輝

過影雲浮鴈 殘花雨洗枝 欲尋仙路去 爭奈命多危

鑄印將復損 斷輪傷斧斤 大都虧用慶 還似不成珠

鴈去空沙漠 花榮傳醉巾 利名方入手 人已墜迷津

豹隱當時奮 南山氣象雄 自疑形質薄 孰敢究窮通

斷橋微鴻影 雕梁花朵紅 平生有瑕玷 磨勵始成功

未好覓清幽過一生何如沉醉睡門闌非多是少身無益家窳親跡居自闌

鴈字一行空見眼花間滿樹謾凭欄身南意北清何足不若留心羨遠山

濃雲密霧迷天暗風惡波深鷺小舟大抵生涯較何異論之憂惱有因由

天邊鴈度重山遠渡上鴛鴦兩意悠伊喜晚年多稱意始知春色勝如秋

亥年過時來心未寧羊鼠來時道自興造物不教成却伴隨身侍從有祇承

雲山隱隱馬飛絕院落紛紛花自疑未信生前畫蕭索新成臺閣許誰登

女命

前定易數 咸

三三

權權立計要身榮喜到中年亦有成且取羊頭堪稱意當逢鼠尾事未驚

杜宇一聲啼夜月嬌鶯對語作春聲東畔瑤臺難得樂也勞心志也勞形

卯平生守節命蹉跎還愁悠悠歲月過花顏改色無人問玉貌難免意若何

雙飛蝴蝶芳清夢兩陣鴛鴦戲綠波甚處芳園堪賞翫君家時未遇春和

己傷心親黨各紛紛定分身從別處存羊去鼠前人自吉龍吟虎嘯禍離門

寒枝穿落果難立秋色滿條鴈別群借問何時逾峻直須明月出雲根

紅幃綺幙志慙慙雙手移梭織錦文堪嗟情性多疑滯莫逞機權出等倫

未一輪明月當空照半夜狂風掃亂塵若問前程長與短從頭萬事更重新

永樂大典

卷一八七七

卷一萬八千七百七十一 第十一頁

面 惆悵綉幃中 心安早歲逢 家聲羞未振 鼠兪喜方濃

問界多中少 由君晚始通 羊蛇相會日 閨閣再豐隆

夜月過雲間 操持特地來 仁心終得地 恩義亦奇哉

交 鶯燕聲和美 鴛鴦散不迴 看看慶漸脫 好覓石花栽

四字金 丑 暗月重明 卯 錢鏡磨光 巳 豹變作虎

未 春萍過水 酉 黃菊耐霜 亥 歸帆順風

郭璞數 斷男命與前戊丁同 斷女命與前戊壬同

癸戌鬼谷分定經艮卦 鴈過重嵐格 重山過鴈楚天高百歲先童晚

景豪早歲不成安樂地 榮處家如磨劍刀 園林是處花開早直至齋深雪未消

遇免馬龍身奮發利名晚歲過英豪 百里秋光起千林木葉凋繞進免馬

地衣祿自然調 天暗 天弄 天貴 此星照命獨立自成自費力營

家早風浪早磨難早虎狼口善心腸好多磨凡百進退君子知重小人無

緣惹是招非多招不足述云 巧成名利日 馬足免頭中

康節前定數 鴈過重山格 詩興分定經同 積雪盡銘消

中萬里秋風起 十林木葉凋 太陽垂照日 積雪盡銘消

未久別親疎祖不全艱辛歷盡始安然重更自有家風立始見生涯在晚年

男命前定易數 良 三三三

子 天祿含書貴早求軒昂頭角出潛流幸然得際風雲會偶爾那逢鴈鷄秋

蘆葉風搖歸鴈遠園林雨送落花愁示君去後無他事安坐高堂任白頭

莫謂身榮未必榮前程那更有推迎利名翻作南柯夢才業雖能未出塵

牢落春風花不結蕭條秋塞鴈來賓一條去路君須覺雲水相逢道自新

親眷凋疎不必哀孤身再整福重來東君造物無私設觸處枯枝花又開

長 鴻鴈雙雙群有失鴛鴦隻隻事難猜鼠猴消息愁難解蛇口張時立玉臺

初歲淹留百事虧一成一失若何為舉身必得仁人荐榮業須逢牛馬時

午 莫嘆孤鴻沉遠塞堪憂鴛侶獨棲池芳菲樹上重開處始覺春陽發舊枝

意氣成時獨異常林林佳致勝春光淹留歲月當牛馬榮達身名問鼠羊

中 飄散鴈行飛自遠重開花樹果然香君還拾得名和利好把生涯付醉鄉

得意且須思後末猶未暫使山神吉丹梯有路不宜登白雲無心真可入

戊 鴻鴈悲時不離群花枝開後還無實到頭辛苦為誰期堪嘆遊蜂空作密

女命 前定易數 盡 三三三

子 早弄親閑侍俊才便逢微福自天來青春陌上花重發不覺秋殘菊再開
 雙雙蝶蝶名園去對對鴛鴦逐水回終身却得清閑地醉飲雙樽步玉臺
 寅 骨肉相分且莫嗟平生孤失復榮華貴人提挈方如願閒應千般又離家
 福至須當龍虎日又逢犬鼠作生涯但得水邊人借力自然福壽象爭誇
 辰 前程守分隨緣過平日勞心事未亨借問時來當虎穴定教福至遇羊成
 莫嘆前程運不通且將祖計儘歸空奈何碌碌遺孤獨未免波波滯困窮
 午 除非獨守孤幃立方見前程事可達若要留心求穩地不如聞早慕宗風
 申 生平自得人欽重世上應知少福非若柔心并巧志即須前路得媒梯
 福來聚處榮須顯祿至亨通未便衰做鏡立針全無過終久榮華亦有時
 戌 高人檻外兩相逢便得榮華福祿崇改變門閭好光飾移教宅舍足豐盈
 為人作事情懷巧守業成家性識通更遇羊蛇同會合必當清貴福雍容
 四字全 子 路入平坡 寅 浪裏乘槎 辰 喬松樓鶴
 午 井鱗入海 申 秋月芙蓉 戌 游蜂結窠
 郭璞數 斷男命與前戊戌同 斷女命與前丁辛同
 癸巳鬼谷分定經卦 雲散青松格

雷發空中應聲遠松篁雪化樹頭青馬陣聲蹄遠岫空對蘆花月朗明
 煙裏樓臺鶯語巧芳堤雨霽馬蹄輕借問桃源花幾朵枝頭留下一枝榮
 天艱 天興 天晶 此星照命心高志氣廣性直會剛斷能施為會理
 直能賭是虎口佛心為人慷慨多成少聚多學少成好南北多恩多怨多
 因婦人面上不足省順可免是非無心中可要惹煩惱身安處心不安迷
 云難免相逢身必貴引取前來步玉京

康節前定數 雪釋松篁格 詩與分定經同
 雷近空山應遠鳴松篁雪散柳重青天遠隻馬不成對百歲蘆花對月明
 煙霧天香鶯語晴晴天風送馬蹄鞋君家借問桃花浦一朶長春盡九齡
 中遇鼠身須進 逢寅福自生 馬頭真消息 君子智通亨
 末格局本來為貴命鐵基終不致塵埃不待前程衣祿厚晚年姻眷更和諧
 男命前定易數 剎

丑 孟興親無分 多因命蹇難 有家家必破 無事事多非
 落屬塞空闊 花殘傍檻垂 幾多難與苦 分付與孤兒
 卯 得意豈知前路失園林春去又秋來安充事理如翻掌生計因緣定倒顛
 音信難憑鴻雁寄懷情喜異又花開巫山寂寂空雲雨徒把身心上楚臺

名利終吾子 生涯計幾家 不須頻悵望 何用苦咨嗟

采采梨花發 雙雙侶馬斜 孫陽青眼顧 騏驎脫鹽車

親計蕭疎利亦疎 此身還見兩邊居 老途過盡幾多險 平地相逢事漸除

孤馬忘群情耐鴛鴦 失侶意何如 若還要識身安術 棲隱雲山裕有餘

蹤跡奔途路 孤身立外家 江山情淡薄 風月謾輝華

唯唯浮雲馬 菲菲帶雨花 真臨中道日 重整舊生涯

卓立超群隊 成身斷祖風 緣情休苦慮 幽意漸疎通

僻鳩花開薄 高城馬叫空 桃源仙路微 何用笑途窮

女命 前定易數 訟

三三

抱義足於人 性巧心聰俊 閨中均納祥 堂上承慈訓

奇果主美賢 良人能幹運 時至福添廣 平生魚嶮峻

前程多坎珂 福至晚方成 運為雖有分 進用莫貪榮

侶屬當天去 遊魚躍水深 平生仁義足 食祿受資盈

昏迷債未省 那得眼前寬 立身無自在 處世少平安

時來聊喜變 禍去免孤寒 一段幽閑處 留為歲暮看

未 論汝鐵基事 成家也木然 身心多不定 福祿每虧圓

花放垂紅果 雲開月上天 晚年滋味別 溫飽享天年

隔越幾重山 巍巍不可攀 親疎多剋剝 恩義每多慳

貴客尋歸計 良人去不還 生涯成立晚 惆悵運艱難

分定今生修善果 須勤積行度良時 放縱身心終不吉 調和情性勿招非

對對鴛鴦尋水浴 雙雙鶯燕梳兒不知 時至歸何地 遙望青山坐釣磯

四字全 丑 鑿井無泉 卯 登樓望月 巳 良驥鹽車

未 枯井望雨 酉 破屋重修 亥 盤裏栽松

郭璞數 斷男命與前戊丁同 斷女命與前庚辛同

癸庚鬼谷分定經損卦 巖前古栢格

古栢巖前歲月深 直豎霜雪耐欺侵 剛柔未決身猶舉 白首榮心量滿襟

祿位得時君自險 資財失處又還成 要知立業安身計 三四人中一老心

樹花連一果 蛇猴合稱心 天福 天臺 天極 此星照命執直端 是

仁義禮樂所為平 品作事忠良能親君子會 禦小人凶中有救不犯官刑

六親冰炭朋友無 情述云 利名還自得 五九好身榮

康節前定數 松檜青枝格 詩與分定經同

中末立業除非義重增雲龍月色與千層落花樹上存仙策得遇猴蛇命發生
男命前定易教 損 一三三

子舒眉展眼向前行偶見黃金滿路生淹屈此時真得意高人相濟事須亨
天邊虛有南飛鴈枝上空聞晚轉鶯况是老來無一事却將子女共犁耕

寅 春風花木開新紅莫訝東君分不同自揣根基磐石固歲寒前後獨青松
鶯鶯飛舞情何極鴻鴈悲鳴似不容名利多因苦中得得時還失意忡忡

辰 欲上層樓幾許難漸登高處覺身安昔時漂泊虛名利晚歲成家苦膽肝
獨隻鶯鶯離小渚孤飛鴻鴈落沙灘秋蟾輝處真堪嘆許與幽人取次看

午 一條險路是生涯百事紛紜慮禍加但得地邊人借力忽然眾裏事堪誇
雙雙遠去飛鴻鴈朵朵榮開晚景花鷄唱克沉銀漏斷夢魂鶯鶯覺事堪嗟

申 唇鎗心箭暗中危百計千謀禍自夷大抵利名皆不定何疑人事苦支持
天涯分散群飛鴈檻畔飄揚帶荔枝欲得老來人有履遇船終濟水邊危

戌 內親凋喪外重新惆悵無言嘆命途勞力勞神終有候操心操志未逢人
兩樹落花成果晚一雙飛鴈失群嘆鼠猴方達平生志騎馬牽牛入大洋

女命 前定易教 卷 三三

子立計須憂性一毫此身展轉出蓬蒿鼠頭自有榮華地修善先收志氣高
一陣鶯鶯聲嘹歷幾枝奇果綴大桃前程萬事成還失老計區區不怨勞

寅 空愁空恁意魏魏改革生涯東復西休恨自身多難處却從他日別雲泥
枝頭消息知春早水畔良人福與齊若問前程成立事晚來山外穩心棲

辰 玉堂有路大何遠異日當須入故關牛尾必知風景別閨中獨坐守雲鬟
嬌鶯對對尋群語奇果枝枝結實慳晚來必使身心樂堪笑生涯鼠虎關

午 山頭迤照影臨門定分重新問主人廢時還有成時在失度終歸得處新
名園鶯語連和日芳苑花榮遇早春借問前途人去處十分陶鑄荷洪鈞

申 桃杏開時自一家桃開杏謝兩交加幾多改變因風掃長把繁華伴月斜
高枝每結重新果鶯侶相逢意自佳跨馬騎羊備笑日誰言履祿也堪誇

戌 立身未貴為媒寡何況年來運未通欲奮當時心腹事奈何吉裏變為凶
雙雙蝴蝶隨風舞兩兩鶯鶯浴水紅惟有猪鷄為好處依然福祿在其中

四字全 子 金星從月 寅 晚春花園 辰 登樓望月

午 高山鑿井 申 逆水行舟 戌 秋風飄柳

郭璞數 斷男命與前戊庚同

陰局華堂人靜月光明照入閨房氣象新四德早全人美淑一家主福可

永樂大典

卷一八七七

卷一萬八千七百七十一

第十五頁

豐盈 早年未許便榮華隨分施為別一家縱有親枝難得力自磨自琢
是人誇 馬龍相會好音來跳出重山煙霧開做出軒昂希世事夫榮子
貴上天台 有一成了有一隔春風桃李開時節掃破閑愁指顧間七七
回頭步金闕 女流年一年好景快來扉又見梅花結好枝琴續朱絃絃
不斷秋風桂子喜嚶嚶 有些舊恨在冬前切應傍人壽樂囑門內白頭
門外笑破財祈福保延年

癸辛 鬼谷分定經 大畜卦 池映芙蓉格

池畔芙蓉照水開松筠力辦雪霜材孤飛鴈過滿湘遠百歲兒童去復來
興廢只因辛到癸成名好起卯寅未誰將杖擊雲中鼓震動成聲滿九垓
跨馬身榮早騎牛帶祿榮莫言今未顯羊角虎頭成 天福 天倉

天悔 此星照命為人聰明俊秀性直口快有執持能耐事如松筠之在
歲寒經霜雪而不改其性操與朋友交久而敬之骨肉情疎子息晚立遇
辛癸且興且廢逢寅卯志遂名成身榮家富作事振作聲譽四方經險而
不危過凶而自消末主福祿稱心迷云 過了千重險 虎羊身始成

康節前定數 池內浮萍格

池內浮萍夏月開松枝方辦雪中栽孤飛鴈過滿湘遠百歲兒童老後來

興廢只因辛到癸成功蓋為有多材如將杖擊空中鼓平地雷聲震九垓

中 跨馬聲名好 騎牛帶祿行 莫言身未吉 羊角虎頭生

末 一點雲臺志氣高 中年事業望青霄 財帛未安常費用 根基漸次弄生苗

男命 前定易數 大畜

三三三

丑 桃李開時事一家松材任便雪霜加幾多愁霧因雲散莫把憂心伴月斜

孤鴈却隨秋色去雙鴛堪笑野情奢來龍跨鼠權榮日慚愧功名付汝誇

卯 剛腸欲奮青雲志爭奈生前命不齊為怪交情緣分薄莫慚成業立身低

秦樓燕雀巢應晚楚嶺雲鴻去更迷準擬老來過眾望却將頭角入蟠泥

雲龍相濟吉將來隱隱天門閉又開舉足便隨雲步穩騰身存取利名回

風高迥野鴈飛絕雨淚珠羅花已衰欲識安危在何日嗚然老首困塵埃

未 壯心何慮初零落異日仁人指鳳城親舊可傷情分薄利名還許為君榮

清秋寂寂鴈飛遠春晚暉暉花態輕回首舊途多嶮岨老親雲水有餘清

生前分定理君知得道何如失道時山北山南家在立跡親疎事無疑

孤飛鴻鴈空中見雙舞鴛鴦沼內嬉脫得身中牛馬厄春陽始信發枯枝

莫嗟祥鳳在鷄群羽翮翔上紫雲兩處成身身有異一心操志志多欣

更 花枝未必長榮去鴈陣應須先兩分笑指秦樓歌管別唯憂垂老不堪聞

女命

前定易數 夫

三三

丑 欲問前程事 生來獨主孤

離鄉終自立 弃祖保安居

紅葉煩風破 青松與雪俱

貴客還拂袖 何處是吾廬

嬌態如堤柳 情懷每自寬

居仁能守節 修善保身安

過馬聲聲怨 難驚語語權

鼠牛相會處 方免兩眉橫

危難時將脫 常逢貴客親

操持來往處 路逢喜佳賓

馬聲成敗債 燕語艷陽春

若逢龍處會 終自不辛勤

把握能操畧 為人膽氣高

驅馳多不定 箕箒事風騷

池畔雙魚躍 簷前家鶴嘈

枝垂奇果綴 保托壽堅牢

福壽逢危難 心乖性不常

親門徒自守 貴處每驚惶

三井更相觀 雙牛必是昌

立身憂橫厄 門外運須荒

面 畫堂深處好施為 只恐乖張命不宜

展轉機謀常自遣 妖燒容態每稱奇

一雙乳燕尋巢日 幾陣遊魚戲水時

良人倚檻情多樂 福未猶更不忘機

四字金 丑 秋園桃李 卯 潛龍在井

巳 雲龍風虎 未 浪裏乘槎 酉 風裏揚花 亥 苗而不秀

郭璞數

斷男命與戊辛同 斷女命與前已庚同

癸壬鬼谷分定經家卦 虎隱深山格

遇浪輕舟不復高 平生興廢若波濤 逢緒繞息風波險 遇嵐方知松節高

馬叫碧空悲夜月 鶯鶯並隊戲新潮 要知箭發從何處 遇虎方知福自高

過虎身舒暢 逢光福優游 煨煉 孤虛 天福

此星照命如枯木 逢春早苗得雨五行中 勞心早歷事早煩 惱早艱辛早

妻不得力子不替 憂心性紫慢不均 大寬小急作事龍 頭蛇尾有始無終

皆因退神重述云 初年喫盡艱辛苦 末主安閑福始來

康節前定數 輕舟過海格 詩興分定經同

中久益成身志似 蒙心齊碧洞 九秋桐花落 先被東風吹 晚向金門問 主公

末險難憂危遇 救神孤權獨立更 辛勤他年自有真消息 再立門庭氣宇新

男命前定易數 蒙 三三

子 須知禍福有來由 命裏蹉跎且莫憂 意志盈懷是虛說 是非聽耳孰能酬

天高文何應難上 名似秋毫莫慢求 待得花殘將結果 狂風驟雨一時休

志大心勤計半成 干名趨貴得虛聲 馬頭行處成須破 蛇鼠來時濁又清

實 分飛鴻屬離群 去重結花枝 帶果聲好把身 心看進退莫教失脚禍非輕

長難危過盡路遠回首知幾早鬢凋秋去自然枝葉枯春來依舊長新條
鴻雁天邊飛落日鴛鴦滿倚新湖前程必有歸身計好把兒童兩處招
芳荷雨散兩鴛鴦獨歸池沼浴新涼前途回首堪悲恨異日新添羽翼長
馬陣兩行蹄遠塞孤舟一隻下瀟湘天然禍福爭知錯不用將心苦嘆傷
萬物榮春謝在秋人情歡處又還愁利名漸見歸龍尾家道如成立鼠頭
兩隻馬兒煙外別一枝花原雨中留自宜處道知前事堪問胡僧指火牛
花因春去不成艷水向東流豈蕩波護整生涯名利處徒勞心志是非多
馬行雖有空群隊琴瑟將調韻不和肝膽空操雲外志天時不過且蹉跎
女命

前定易數 羊

三三

出門又遇重重煞至後終難保壽遊更主孤刑防阻厄若無禍患儘堪誇
須向他門仍自改留心彼業可安家東君有意沉酣樂只恐當年福不加
主人早弃親門去一向東君過合多久依祖室如燈滅不怨離鄉去適他
實有子聰明攀月桂隨時任意且高歌若是修身并積善何憂處世受奔波
長標心東志要光前異日終須遇大賢無端無識存素行克勤克儉有威權
雙陣春魚浮水面雙雙秋燕向簷前平生到底無哀陷末路逍遙福祿堅

午 綉幙低垂遠望天聰明巧志出人前自恨這遭基業墜忽然榮遇利名全
是非多繞心懷上關慮長榮事緒還却喜生平有終始終年福祿自高堅

申 兀坐綉幃中 生事如一夢 氣宇稱嬌容 心懷無所用

疑險未能除 蠅營巧徒弄 終見貴人扶 利名方出眾

生計立前程 資財必滿盈 所作適男子 招君發橫名

試問終身事 羊頭福自榮 貴人逢處樂 鼠尾永通亨

四字全 子 落花遇雨 寅 衣錦騎牛 辰 池魚脫網

午 春後牡丹 申 月照溪斜 戌 秋水生花

郭璞數 斷男命與前壬戌同 斷女命與前丙午同

癸癸鬼谷分定經良卦 墻畔黃葵格 今日心同百歲時爭知名利未相齊有根不斷皆前草總有孤鴻江上飛

春樹有花終結子 冬深松柏壽同齊若問生涯成利祿繞羊馬便相宜

章牛 天應 天聖 此星照命如芝生樹砌竹茂南軒根深葉實情真

直堅心慈志廣玲瓏天然只因返神在命父母堂前過客兄弟天遣馬陣

妾妾同林猶鳳兒女護慈榮幸初年管見駸雜榮華却在晚年休言晚發

五行所注之然迷云 晚景成身處 羊馬始亨通

康節前定數 芝蘭出草格

好似芝蘭出草來一莖只放一花開此香透氣誰能比正是移將仙桂栽
平生天地多磨折偏然初限受悲哀自來地教天然別若有功名莫望財
中輕舟逐浪去如飛都道營謀正及時爭奈前程驚畏苦成破龍猴獲寶珠
木分量元來有變移圖成安穩有顛危今朝整頓終身計花成子結送君歸
男命前定易教良 三三

孤苦多端事未成再將基業處前程清閑身地真堪許榮耀機謀不可停
鴻鴈群飛終竟侶鴛鴦失伴別舍情中間更有翻身福節志蹉跎勢盡傾

碌碌生涯東復西此身獨立意悽悽休將名利求放於上且把心情自放底
卯 寂寂空飛鴻鴈遠疎疎花放曉鶯啼奈何分薄難如意始入桃源路已迷

堪嘆此生榮人辱利名入手心何足俯仰寧知有險危蓋緣得財難得福
巳 寂寂庭畔大桃樹飄飄江上鴈先飛借問前程有何事老來兀坐有聲眉

天然分定事非虛處已成家必自孤無限閑憂未人去幾多名利有還無
未 江邊鴻鴈空來往庭下花枝果亦疎筑尾羊頭消息好好拋一釣釣鱉魚

得來未足失尤凶再整生涯意不同堪笑不成安樂地唯言長苦夢魂中
酉 鴛鴦兩隻眠沙上鴻鴈一雙排遠空向道芙蓉占秋色尚將志氣怨春風

霄雲開處露天衢美把從前志氣嗟一箭定教隨手發兩重吉兆播富華
江邊去鴈空留影檻畔殘枝花再教鷄步蛇蟠并免逐須知成失賦歸與

女命 前定易教 三三

前行危險過良人舌辨滔滔語話新一去名園問消息滿堂和氣使精神
丑 鼠羊得見花容艷龍虎相依情性亨晚來山主雲間霧一輪明月照江濱

幾年兀守紅幃坐今日俄然遇大才福到自能居富貴時來且得脫塵埃
卯 前定法計須存立在室親情並不諧猶猴拂面尋盃好福祿安排足稱懷

棄却門庭見山水鶯日榮華終自擬平生守節獨超群福祿依然能立已
巳 鼠鷄自有成家望牛尾仍須作事美為人第一會比和訓子詩書聲通理

百年家計喜重成心本聰明跡更清近貴悉知名自顯逢時仍與福相迎
未 家榮漸覺歡欣聚財用須知運用亨雖然有厄當猴犬不必區區慮此生

閨中兀守自淹留行坐愁煩不自由早棄門庭前路去遠君別里福漸優
酉 貴客相尋閑靜地良人得遇是奇秋龍蛇變化榮華在親眷相疎不必求

區區法計恐難重福祿從頭盡未昌有疾方除形體瘦無災定主不安康
亥 鴛鴦滴滴聞秋雨鴈陣聲聲叫夕陽借問生平何處住清虛養性最為強

永樂大典

卷一八七七—

卷一萬八千七百七十一 第十九頁

永樂大典卷之一萬八千七百七十一終

一瀉肝胃間。往往吐出紙上。或清新整潔。或豪宕放逸。抑惟其人乎。惟其酒乎。吾亦不自知也。吾徒富貴未來。意氣誰白。時時相從。輒酣歌自暢。既醉。則取古人句。裂紙尾。作字為丸。按上人爭探為得。韻艱平落。次一笑。諱然。詩成。弟作軸。流傳江海間。不敢隱。醉事亦一快也。八月十九日。余與子實。澗民過錦山許酌三行。子實以酒漚地。的約旦月。烹羊為樂。遠明治。日中不敢嘗食。伯幾常父。澗民及余皆集。祥卿不約亦至。錦山乃不果來。子實因往迎。先生豈忘之耶。視獨無佳。意子實歸。爾尊班坐清溪之旁。命童子行觴水中。到手輒飲。不覺大醉。明日子實獨酌。錦山亦醉。又明日俱會夫容壇下。追譚前事。以酒債尋常。行履有分韻。噫嘻。前日之羊。今日非矣。今日之迹。明日陳卷。奈何猶追惜之。子實啞啞然笑。許詩成。復一醉云。

秋風喚客清溪傍。碧天照眼溪沙黃。水流曲曲度橋去。綠髮童子來行觴。澆透心胃六經醉。欲去來去車生光。善刀出室坐行剗。主人為政今日羊。青山夜長魏王執。首着曉飯擗子囊。肘中柳影坐雲煖。度下麥溱書畫長。公若不遣杯酒至。孔子亦死陳蔡鄉。浩歌徑欲把北斗。人生一笑不可常。胡柢過紫山集。課家僮織席。簞箬雖微物。安身用最親。乘霜得佳葉。變法起親紋。斜側初無謂。端方卒有倫。賈生千載遇。前問夜將分。象床

永樂大典卷二萬三千五百三十三

誠穩密。托體藉湘筠。人字憎龐俗。波紋促細韻。溫涼宜熱寐。瑩滑淨無塵。所恨清霜重。乘時讓錦茵。縷組湘江竹。含風八尺新。紗幮輕穩窄。玉枕淨相宜。固適炎蒸用。毋為晝寢速。清涼無俗夢。夜氣有箴規。再拜丹書訓。深嚴著席銘。安舒恒業業。反側亦兢兢。故苑非避福。恭莊得永寧。臨終猶易著。百世可師曾。周術之北山。集夏日訪黃府尹席上。次黃德厚韻。畏途漫漫正煩熱。故人一見忙解榻。竹根凍澆汲寒泉。一室空明意清豁。夜涼華月流素光。忻然狎客飛瓊觴。千篇已羨奴鳥可。五詠未許餘山王。綺筵秋秩羅珍具。蔗漿益冷芙蓉露。浩歌夜久興徘徊。殘蟾西沒斜河曙。

次韻徐景瑞席上。洞庭霜橘包黃銀。海邊丹荔輸閩珍。高臺開筵薦華俎。風味雋美懷芳新。蒸花壓玉釘鴉炙。雕盤犀筋行鮮鱗。紛紛歌管奉名妓。秋秩替履羅佳賓。芳尊細酌綠琬瑛。寶剗共排紅麒麟。燒瑤燄燭轉留客。疑有四角生車輪。書生尚歌風雨室。此意營營何由伸。短衣穿肘不掩脛。五窮相與為雷陳。青陽開動生意達。短翅亦擬凌空雲。豫章遠志各有適。黃鍾瓦釜供陶鈞。且安籠竊樂澗濱。米厭紫豉羹兵蕪。蒲道源順齋。黃葉九月十五日。李子文席上佳節若為酬分韻。傅中守書生時時愁。富家日日節。乘此閑暇時。不飲何怡悅。樽前三四支。年少文愈傑。新詩落筆

成。句句皆清絕。酒來不須辭。要使頰吾頰。菊節過六日。友人邀小酌。我時適無事。來意已不欲。賓主情况熟。笑談應自若。欣然具有核。不豈亦不約。沿溪共徘徊。秋景正蕭索。留連與未聞。野鶴啼日落。郭某席間賦。嗚嗚晨雞喚夢醒。意軒好月壁。燈。宦情寄蝶淡無味。世路登天吁可憎。十載飄零都是客。一屋寂寞靜於僧。調羹事業無勞說。深謝諸公愧不勝。馬廬中霞外詩集送本初來提點之玉隆主席。五首。風雨雲龍會有期。文章道德際清時。名山正要名師住。喜捧天書下玉墀。街道金陽佐上玄。袖香常近御爐邊。仙人出應龍沙合。合主林泉五百年。自憐學道晚無成。華髮蕭蕭不受春。多謝東風湖上柳。每開青眼矚陳人。蕉池月冷憶論詩。別去無端信息稀。衆衆相違又相別。一江春水看帆飛。望鶴遙知出郭迎。歡聲雷動豫章城。碧桃開盡春山晚。騎鶴還催上玉京。送陳渭叟之涇縣崇玄觀主席。葛翁川上一道士。形體貌古神仙似。手持九節瘦竹筇。來覓蒼華計。然子計然仙。去白雲深。又來尋舊林。武林城中訪親故。鶯啼燕語爭春暮。少將詩酒送平生。煙雨西湖掉頭去。有才運接謝宣城。群仙已草新宮銘。紫府真官儼環珮。鑑金慶玉相逶迤。昔年東海釣鰲客。白眼看人九州窄。涇縣山水天下奇。到今勝處多行迹。金鰲臺。

永樂大典卷二萬三百五十三

三

白鷺洲。請君故意隨天遊。山邊水邊見明月。為余問信敬亭秋。哈刺元素詩。南遊寓興劉。經歷席上。三首。華筵臨碧水。春色映朝簪。皓齒傳聲遠。金盃引興深。花燈團似月。風竹響於琴。况值元宵近。滿城蕭鼓音。春來多好興。旭日照華簪。白馬傳書去。丹心懸闕深。看山時把酒。對竹自橫琴。幸遇賢賓僕。賡酬足賞音。出關時。上客。烏紗畫日替柳池。春水滿。梅塢落。花深。不鮮相如賦。誰挑卓氏琴。意閑枝上鶴。應是報佳音。王沂詩。春子。廣文席上次韻。城中九日過家釀。報新開。偶就陶公菊。因同鄭老杯。鷓肥綠黍熟。醴羹及橙來。莫賦停雲句。應須踏月回。李希遠雲陽集和王子讓席上韻。衰年愁對酒。壯志憶題橋。遇事難開口。逢人愧折腰。樂傳天上譜。心逐暮歸憇。宴罷驪歌放。踉蹌又一朝。宋本至泊集禮部席上調子山。尚書席上醉賦。蘇。朱李來禽總不拉。千縷青絲絡珠網。怕羅針帶水晶。盤。劉文貞公集席上。妙舞翩翩驚羽翼。清歌綠亮遏雲霓。象休解作連場戲。聲色門頭自任迷。丁仲容繪亭葉馬德昭席上賦。江上重逢鄒大娘。桃花紅嫩染纖裳。蔓菁溪上曾相見。猶記胡麻飯顆香。張憲武王私範集即席贈別。離筵不必奏笙簧。說却論詩醉一場。別後有期期不定。水萍風絮兩茫茫。劉特修集夜坐即席分賦燈花餅簪。二首。眉間正有春。

永樂大典

卷二〇三五三

千丈眼底鏡消燈一華。我自無憂安得喜。不須開向野人家。萬丈湖頭
 落晚江。一餅收拾入秋憲。官商不在八閩世。鼻息雷鳴未肯降。學處寓齋
 詩集。里杜席上偶成。漁樵推主後推賓。莫道南朝忝從臣。數口青門依
 絳帳。十年白帽看黃巾。立同狐貉寧無恥。嗟落珠璣不救貧。且向蓬間持
 酒侍。瑯歌歌罷是陽春。對仁本不實。上虞席上賦。城南花塢韶光好。
 載酒吟詩不厭頻。草色宜留金谷醉。梅花別是玉堂春。蛾眉窈窕羞為舞。
 柳柳風流最可人。行樂莫忘康濟念。問君何日靜邊塵。史性夫詩。蒲席歌。
 君不見。象床金縷黃龍鬚。翠帟茸毯紅氍毹。凝香燕寢環瓊妹。美物作
 惡常須史。能令王孫泣路隅。富貴不到山中驢。霜空鴈落寒陵膚。西溪女
 郎織春蒲。作席眼眼涵青睞。髮僧方丈供橫鋪。蒼烟翠霧不可慕。摩挲温
 厚便鶴軀。高眠鈎鈎忘朝脯。遠夢颯颯生江湖。搯衾竹榻蒲為徒。觀美不
 足矣有餘。更生九節壽老夫。百年與爾同卷舒。清風傲兀超凡遠。吳澄支
 書。蘇洪賓客席上次韻張希孟。遼海煙霞縹緲間。千年老鶴未飛還。聲
 名籍甚東園時。氣象蕭然陋巷顏。翰卷風雲隱城市。依乘日月照區寰。不
 應便擬歸田賦。政要六鰲擎五山。張思廉詩。席上。彼美瑤林姬。綠雲何盤
 盤。清歌珠落斗。妙舞玉成團。風急酒暈薄。月斜花露寒。剪燈續殘醉。把袂

永樂大典卷二萬三百五十三

四

接餘懽。雖非長夜飲。猶勝萬錢餐。席上得佳字。翠館行厨雪乍消。燭頭
 新柳又垂條。珊瑚枕冷人初醉。鸚鵡籠寒舌未調。座上綵鸞珠掉髮。掌中
 飛燕玉團腰。海棠一夜東風軟。落盡雲邊金步搖。取青樓席上和牙字
 韻。延陵公子故侯家。坐上仙人萼綠華。風旋舞塵鳴玉佩。雲盤歌韻揭
 紅牙。瑤漿灑道香螺甲。畫鼓聲喧鐵馬撾。老子風流狂不減。水沉龍撥鼓
 琵琶。席上贈扶胡琴玉寶瓶。彈琵琶俞山月四首。花園七十紫鴛鴦。
 月繞三千金鳳皇。每到曲終催賜酒。舊恩猶憶鎮南王。龍頭蛇腹半金瓶。
 鳳縷鸞膠兩玉繩。一尺提頭封錦索。內家新失鄭中丞。低絃背調不勝
 哀。水壘雙飛信手撿。老盡玉皇風憲吏。月明獨上鳳凰臺。破訥沙頭漢
 草青。著兒打手馬蹄輕。開明橋上黃昏月。不作昭君出塞聲。國朝清江
 吳廷臣集。正月二十九日揚州鳴鶴席上分韻。併戲字。兩山昨夜風雨止。
 水漲新痕浸沙尾。黃知彭澤柳初芽。紅見武陵桃欲蕊。老去逢春更惜春。
 平生酒伴誰知己。白髮楊郎古奇士。千金已散歸田里。閉門留客為張道。
 共喜一時成二美。小兒行觸不計籌。大兒割肉能操七。冬笋下筍白於
 秋藕洗泥寒刺齒。且須快意在今朝。此我中年會飲幾。亂離相見亦偶然。
 海內交游半為鬼。顏狂豈顧傍人跌。但恨白日無淹晷。賦詩已覺無曾割。

駕客安知有程李。坐中一鶴能商歌。歌作連珠盡傾耳。風捲新聲入夜雲。
 豪作哀絲靜如水。若為倒卷玻璃沔。百尺高樓眠不起。藍綉之藍綉。集七
 月二十八夜。同巢翁石父燕集玄都道院。是日雷雨晝晦。既夕。星月爛然。
 席上作。偶與高人燕武夷。天空山水漾清輝。金盤曉露葡萄酒。玉女秋
 風碎荔衣。雷起石堂龍未整。月生蒼海鶴初歸。瑤臺自有長生籙。莫數尊
 尊往事非。
 親。風雨孤舟白。勢具入門。添我恨。烹茶為主李家貧。從游誰作觀魚
 伴。就語今逢裴飯人。秋晚能酬江上約。豈無難黍待嘉賓。張孟備詩集王
 駙馬席上作。城上春雲浮綠樹。亭中綺席帶朱闌。惠風已送蕃薇暖。細雨
 猶兼芍藥寒。樽帥曾同文字飲。山川渾作畫圖看。高談政自忘絲竹。安得
 移書與謝安。抄錄詩王大愚尊師席上賦。白雲幽洞風雨作。紅欄石
 池屏帳開。竹枝娛客促綺席。榴花照人行玉杯。豈無麟脯坐分璧。亦有龍
 管行相催。明朝洞口與君別。尚想新笙吹月來。元朝風雅陳晉齋別桐城
 諸老席上作。此人五百有餘歲。高會尊前笑語諧。逸興濃時過似酒。交
 情密處恰如家。朱顏鶴髮明秋水。瑤勾魚腹動綠霞。明日馬蹄衰草路。桐
 鄉回首又天涯。會稽擬美集林梁離席。何處驪駒雜楚歌。楚人歸思託

永樂大典卷二萬三千五百三十三

雲蘿。河陽望竟委心遠。金谷別來邨恨多。從事一春空物態。閱情千里舊
 風波。歸時莫聽隴頭水。腸斷不禁年少何。大雅集釋行方詩。顧玉山草堂
 席上寓興。春暉樓頭春最早。主人宴客情更好。萬斛葡萄滿綠波。一色
 纒。逾剪芳草。捲簾山色何真。吳天半掃蛾眉青。亂雲忽西起。倒壓白日
 停。野狐啼煙道。路黑海風吹。兩蛟龍腥。短歌長吁傷我情。門前溪水聲冷
 冷。鄰梁志和鄭廣文勸農席間韻。千里熙熙萬井煙。知時膏雨兩公同。
 民無憂色安耕業。市有歡聲到酒筵。萬物遂宜方是政。一夫不獲便非天。
 太平官府多閒暇。閭里謳歌樂有年。公餘方把故書看。惠我新詩妙可
 刊。治道每思從簡靖。邊疆時喜報平安。人言好善求諸釋。我道平心只一
 般。食淡自然神氣爽。居官莫放酒腸寬。和葉峭壁席間韻。英名起敬
 久於公。今日相逢笑語同。意外厭聞梅子雨。池間時迓藕花風。民無憂色
 安田業。市有歡聲喜歲豐。官府太平多暇日。相遇詩酒樂衰翁。維陽志疑
 香小集即席和蔡子明韻。揚州曾說舊時春。翠幕珠簾看洛神。想見東
 風香十里。人人宜笑更宜嗔。筆下文章似有神。多慚誇說籍中人。教成
 歌舞君知否。也是元戎說今新。得京都華燈於維揚。招同官妓香預賞。燈
 火盛長安。生平所未觀。霞飛雲母鏡。月射寶珠團。預賞通春信。交光辟夜

寒。今宵共一醉。留取上元看。公家乘得暇。僚友聚疑香。歌扇融春響。星
毵烟夜光。月華窺粉黛。薰影隔絲簧。和氣知多少。人人入醉鄉。詞家蘇
東坡集。醉落魄。席上呈楊元素。分勢如昨。人生到處萍飄泊。偶然相聚還
離索。多病多愁。須信從來錯。樽前一笑休辭却。天涯同是傷淪落。故山
猶負平生約。西望峨眉。長羨歸飛鶴。臨江仙。夜到揚州席上作。樽前何
人懷李白。草堂一作暮堂。遙指江東。珠簾十里捲香風。花開花謝。離恨幾
千重。輕舸渡江連夜到。一時驚笑衰容。語音猶自帶吳儂。夜闌對酒。依
舊夢魂中。陸游。酒闌集。沈溪沙。而醉席上。浴罷華清第二湯。紅絲撲粉玉
肌涼。嬾婦初拭藕絲裳。鳳尺裁成。狸血色。嬌羞薰透麝脐香。水亭幽處
捧霞觴。王翊蝶。王忠州。東席上作。倦客平生行處。墜鞭京洛。解佩瀟湘。
此夕何年來賦。宋玉高唐。繡簾開。香塵乍起。蓮步穩。銀燭分行。暗相照。燕
羞鶯妬。蝶逐蜂忙。難忘芳樽頻勸。峭寒新退。玉漏猶長。幾許幽情。只愁
歌罷月侵廊。欲歸時。司空笑問。微近處。丞相嗔。狂斷人腸。假饒相送。上馬
何妨。史浩。野步真隱漫錄。浣溪沙。即席次韻王正之。免堪歌。一花鈎兒能
幾何。弓子珠簾杏紅羅。那時分惠謝奴哥。香壓幽蘭。蘭尚淺。樣窺初月
月仍多。抵堪掌上呷瓊波。二夫飲冰足即席。珠履三千巧闌妖。就中弓

窄只遷遷。惱伊刻轡轉堪憐。舞罷有香留繡褥。步餘無迹在金蓮。好隨
雲雨楚峯前。三 濕翠湖山收晚煙。月華如練水連天。興來催上釣魚
船。青葢一搏汀草畔。霜筠數曲渚花邊。更於何處覓神仙。四 梁武
慈癡這麼狀。箇中消息豈容猜。九年面壁口慵開。隻履却尋歸路去。一
花元不是君栽。這回狂了一遭來。五 索得玄珠也是歡。人人有分莫
胡猜。頂門一眼鎮長開。路斷玉關無鞞跡。雪埋蔥嶺沒根栽。始知這麼
不曾來。六 勝槩朱楹俯碧湖。蕭蕭風月一塵無。口堪綠蟻滿樽浮。
况是小春天正爽。杖藜相與探梅初。半斂枝上未成珠。七 遠岫數堆
蒼玉髻。平湖千頃碧琉璃。笙歌催我上船時。載月有如浮玉鑑。採蓮還
復擁騰脂。更於何處覓瑤池。徐衍仲西窓集。鷓鴣天。席上賦。翠幙圓香夜
正遲。紅麟生燄燭交輝。纖腰趁拍輕於柳。嬌面添粧韻似海。疑遠恨。惜
芳期。十年幽夢綠雲飛。多情不管霜髯滿。猶欲五翻似舊時。滿江紅。約
齊同席用馬莊父韻。揮手華堂重整頓。選花場屋。捺鼻觀。飛浮雜沓。異香
芬馥。金縷尚餘閑態度。水姿早作新裝惠。恨尊前缺典費思量。無松竹。
蜂蝶恨。何時足。桃李恁成麈俗。為情深拚了一生愁。獨菊信謾勞頻探。問
蘭心未許相隨逐。想從今無暇斲薑薇。鉏壟粟。又悔是席上作。爭歡交

酬。清受取真山真水。供不盡杯螺浮碧。鬢髮擁翠。莫使等閒嗟去國。因
特地經仙里。奉周旋。惟有老先生門堪倚。追往駕煙宵裏。終舊學。今無
計。嘆白頭猶記壯年標致。一樂堂深文益著。風雪亭在詞難繼。問有誰熱
識。悔應心。南軒意。韓元吉南湖集。洗溪沙。次韻曾古甫席上。莫惜清樽領
客同。已無花伴舞衣紅。強歌歸去莫怱怱。細雨弄煙煙弄日。斷雲粘水
水粘空。餘醪飛下晚來風。浪淘沙。題曾文席上。倦客怕離歌。春已無多。
閒愁須倩酒消磨。風雨纏晴今夜月。不醉如何。玉笋滌金荷。情在雙蛾。
二年能得幾經過。花滿碧溪歸棹遠。回首煙波。一剪梅。葉夢錫席上。竹
裏疎枝總是梅。月白霜清猶未全開。相逢聊與着詩催。要趁金波。滿泛金
盃。多病漸非作賦才。醉到花前探得春回。明年公已在鸞臺。看取春風
丹詔重來。醉落魄。林觀席上。索賦。樓頭曉鼓。佳人莫唱黃金縷。良宵燈
火還三五。腸斷扁舟明日江南去。離觴欲醉誰能許。風前蝶鬧蜂兒舞。
明年此夜知何處。且擇梅花同聽畫簷雨。南打子。次韻姚提點行可席
上見梅。急雨朝來過。濃雲晚半收。荷香偏傍酒樽浮。極目淡煙斜照。滿芳
洲。消盡人閒暑。翻成一段秋。使星南楚轉東甌。只恐禁林歸詔。未容留。
好事近。辛幼安席上。華屋翠雲深。雲外晚山千疊。眼底無窮春事。對楊

永樂大典卷三萬三百五十三

七

枝挑葉。老來沉醉為花狂。霜鬢未須禡。幾許夜闌清夢。任翻成蝴蝶。
水調歌頭。席上次讀王德和。世事不須問。我老但宜仙。南溪一曲。獨對蒼
翠與孱顏。月白風清長夏。醉裏相逢。林下欲耕已忘言。無客問生死。有竹
報平安。少年期。功名事。竟蕪然。如今憔悴。蕭蕭華髮。抱塵偏。萬里蓬萊
歸路。一醉瑤臺風露。因酒得天全。笑指雲壺夢。今夕是何年。葉石林詞臨
江仙。席上次讀韓文若。聞道安車來過我。百花未敢飄零。疾催絃管送杯
行。五朝瞻舊老。揮塵聽風生。鳳詔遠從天上落。高臺燕喜初醒。莫言白
髮減風情。此時誰得似。飲罷却精神。又思以道見和答韓文若之句復
本之二首。三月鶯花都過了。曉來雪片猶零。嵩陽居士記行行。西湖初水
滿。遙想飲放生。欲為海棠傳信息。如今底事長醒。不應高卧頓忘情。留
春春不住。老眼若為明。又唱徹陽關分別袖。佳人粉淚空零。請公重
作醉歌行。一歡須痛飲。四首念平生。却怪老來風味減。半酣易逐愁醒。因
花那更賦閑情。鬢毛今爾耳。空笑老淵明。沈漢沙。許公堂席上次讀王
幼安。蜂蝶燒殘夜未分。寶箏聲緩拍初勻。斗樞光照坐生春。便恐賜環
歸袞綉。莫辭揮翰落煙雲。鳳城西去斷離魂。又用前韻再答幼安。綠野
歌歡許見分。驟驚和氣曉來勻。妙歌誰敢和陽春。梅蕊舊年迎賜重。月

永樂大典

卷二〇三五三

華今夜破寒雲。猶醒爭笑楚人魂。又以瓶王切去曾存之因亭席上。物
外光陰不屬春。斷留風景伴佳辰。醉歸誰管斷腸人。柳絮尚飄庭下雪。
梨花空作夢中雲。竹間籬落水邊門。張子野詞木蘭花。晏觀文直堂席上。檀
槽碎響金絲撥。露濕潯陽江上月。不知商婦為誰愁。一曲行人留晚發。畫
堂花日新聲別。紅藥調高彈未徹。暗將深意語膠弦。長願絃絲無斷絕。
更漏子。波五堂席上作。柳君家。賓宴集。秋葉曉霜紅濕。簾額動。水紋浮。綠
花相逐涼。薄霞裳。酌酒面。重抱琵琶輕按。迴直撥。抹么絃。一聲飛露蟬。
少年遊。渝州席上和韻。聽歌待酒且休行。雲外樹。幾程程。眼看蒼牙。手
提花葉。未必兩無情。柘夫灘上聞新鴈。離袖掩盈盈。此恨無窮。遠如江
水。東去幾時平。醉落魄。吳興羊老席上。山園盡障。風溪弄月。清溶漾。玉
樓茗館人相望。下若釀醅。欲飲金釵當。使君勸醉青娥唱。分明仙曲雲
中響。南園百卉千家賞。和氣兼春。不獨花枝上。燕春臺。東都春日李閨
使席上。麗日千門。紫煙雙闕。瓊林又報春迴。殿閣風微。當時去馬還來。五侯
池館屏開。採芳菲。走馬天街。重簾人語。綉鞵輕車。遠近輕雷。雕觴霞灑。
翠幕雲飛。楚腰舞柳。官面粧梅。金猊夜燠。羅衣暗裏香煤。洞府人歸。故笙
歌燈火。樓臺下。蓬萊猶有花上月。清影徘徊。又碧瀾堂席上。有感。飛雲

永樂大典卷二萬三百五十三

八

過盡。明河淺。天無畔。草色栖霞。露華清暑。輕颺弄袂。潏潏拍岸。宴玉塵談
賓。倚瓊枝。秀挹雕觴滿。午夜中秋。十分圓月。香槽撥鳳。朱絃軋鴈。正是
欲醒還醉。臨空悵遠。臺更疊。換對東西數里回塘。恨零落芙蓉春不管。籠
燈侍散。誰知道。座有離人目斷。雙歌伴。煙江艇子歸來。晚仲并浮山集畫
堂春。即席溪邊風物已春分。畫堂煙雨黃昏。水沉一縷。裊爐熏。盡醉芳樽。
舞袖飄搖。回雪歌喉。死轉留雲。人間能得幾回聞。丞相休嘆。浣溪沙。
即席清遠湖山佳麗人。柳邊花下復清晨。向前猶有幾多春。拔柳秋千
時節。近管弦歌舞。一回新。未嗔狂客污車茵。眼兒媚。同孫尚書赴孟信
空平江即席席上。鈴閣尋盟未肯寒。鷓首駐江干。雲煙翰墨。風流尊俎。不
放更殘。金聲擲地。西清。老天未許終閑。知音素賞。當筵一曲。流水高山
武陵春。元若塵想。管席上。門巷烏衣。應好在。風韻尚依然。知是蓬瀛第
幾仙。秀色繁當筵。素句濡毫雲閣裏。清坐裏。爐煙誰賦。回文第二篇。除
是見娟娟。洪遠盤洲集。浣溪沙。席上別王巨濟。先是兩地免廷王奪兩侯
惟以韋馱。丹桂飄香已四春。杖藜携手自今難。黯然離恨滿江干。壁上兩
冠元是識。花前雙韻幾時彈。中秋後夜與誰看。又席中春錢清。憶得熙
春曉立班。使星曾入紫微垣。歸來小隱友芝蘭。扶轄風流今復見。開尊

禮數自來寬。更看寶唾寫烏欄。又席上再作。不見丹丘三十年。青山若
 水想依然。自驚綠鬢已蒼顏。月在柳梢曾徑醉。兩荒院菊有誰憐。繡衣歸
 與故人言。卜筮子。太守席上作。五鳳望中仙。五馬人間貴。舞態歌聲盡
 出群。烏鵲起蒼喜。昨夜值狂風。痛飲無無味。說與燕門慢打更。却怕催
 歸騎。又席上贈明。脩竹拂疎檣。淡月侵涼榭。四畔青山進好風。金鴨
 香煤地。寶唾聚珠璣。長袖飄蘭麝。莫問更樓夜若何。且結高陽社。好
 事近。東湖席上次會守韻時。美曹同集。風細晚軒涼。妙句初揮新墨。綠水
 池中賓佐。對嫩荷擎綠。坐看微月上雲頭。清臂映寒玉。只恐朝來酒醒。
 有文書羈束。滿江紅。鄭憲席上再賦。累月愁霖。如今夕是何天色。秋老
 矣。芙蓉遮道。黃花留客。長有霜螯來左右。誰言握馬能煎迫。巧高穹重疊
 起頑雲。星難摘。羅綺盛軒。心已醉。有須拍更十分行酒。再三相勸。
 鳳詔十行歸路近。桂華千里明年隔。趁閑時樓上共凝眸。蘆花白。魏鶴山
 詞水蘭花。即席和韻。問梅花月裏。誰解唱小秦王。向三疊聲中。蘭枕茶棹。
 桂醕椒漿。明朝濮渝江上。對暮雲平野。北風涼。準擬八千里路。破除九十
 春光。硯涇槐影漾。披佛御爐香。念人世難逢。玉塔方寸。陞指顏行。
 休言舉人文字。繫一生窮達與行藏。凡卉都隨歲換。幽蘭不為人芳。劉龍

洲集滿江紅。高帥馬大尉席上作。敵面風輕。一兩點海棠微雨。春總在。英
 雄元帥。曉來遊屐。樓閣萬家。簾幕捲。江郊十里。旌旗駐。有黃鸝百舌。轉新
 聲。垂楊舞。寒食近。望簫鼓。車馬鬧。銅鞮路。拚樽前一醉。與花為主。風韻
 可將。園障直。笑談盡是文章語。問何如。鄒湛赴江。頭陪羊祜。黃庭堅豫章
 集好事近。席上一弄醒心絃。意在兩山斜疊。彈到古今愁處。有真珠承睫。
 使君來去本無心。休淚界紅顏。自恨老年憎酒。負十分蕉葉。黃裳演山
 集花心動。春日席上。天接重雲。月臨殘臘。時有幽意。化作瑤池紛紛。戲蝶
 一色。非人世。無情征雁。乘風南向。恨望有情難寄。暖鷺梅先傳芳信。夜來
 萬寶春至。中齊勝境。東藩和氣。自有名園佳麗。一夢休嗟。三千好客何
 處。尋珠履。小堂人靜。樽前清畫。好惜歲華如逝。管絃中。金盃更勸。朱顏皓
 齒。趙無咎應齋雜著水調歌頭。席上作。碧雲初迤。岫瀟水。正鳴榔。蘭舟客
 與。歌舞偏稱笑。中看。燭影烘寒。成暖。花色照人如畫。一生有餘歡。酒飽浮
 金盞。香縷。霜形盤。碧簪橫。銀漏永。玉樽乾。喧春鼓。啾翠袖。起舞佩環。環
 記。得山明水秀。何處朝雲暮雨。常在夢魂間。多少難言事。都付兩眉彎。
 念奴嬌。呂漢卿席上作。曉來膏雨。報一犁豐信。幾枝嬌色。岸草汀沙。明似
 鏡。不到塵埃花陌。急。莞繁絃。香車寶勒。正阻尋春客。東風特起。半空微露

晴碧。何況主意深動水清才薄。玉潤真珪璧。翠麓華堂橫枕。水波底斜陽紅濕。蓮社風流。桃溪標致。使覺凡心息。玉樽傾盡。笑中歸步。鈞月。又江南到處被波光。雲影留人行色。昔我來時春正好。舞絮飛南陌。今日登臨。讀書齋上。重作憑欄客。清溪較細。夜來做漲。新碧。兩岸蘆花濃陰。斷虹橫煙。一帶連環壁。林外青山千萬疊。雨歇半空猶濕。已倩雙鱗。更須靈鶴。先報歸消息。歸來征袖。盡携千里風月。張孝忠詞菩薩蠻。印席次王華家韻。嬌紅隱映花稍霧。金蓮容與歌聲度。得句寫香牋。江山此意傳。醉當春好處。不道因風絮。去並錦闌眠。青綾被底仙。西江月。印席次王華家韻。堂上簪纓交錯。花間簾幕高張。與君一詠一飛觴。莫笑詩狂飲暢。滿路光風轉蕙。吟鞭官柳斜行。新詞妙絕動宮牆。紫詰黃麻天上。霜天曉角。漢陽王守席上賦。楚山浮碧。江漢無終極。邪渚幾行雲樹。天何意。限南北。使君勸醉客。健到曾何惜。三國英雄誰在。斜陽外盡陳迹。林淳定齋集。減字木蘭花。印席上侍前韻。嫣然笑驚醉。醉壓融滋春意爛。倚宴終宵。惟動簾幃。酒易消。尊前狂客。驚見葉仙新滿籜。珠閣深闌。丹旆同歸海上山。又。燭花呈燦。瑞氣滿庭春欲爛。月色中宵。疑是塔前雲未消。騷人詞客。竟斷蠟梅香已籍。誰更情關。一點新愁入遠山。沈溪

永樂大典卷二萬三千五百三十三

十

沈郎西席席上再作。冒雪休尋訪戴船。紅爐煖。寶香然。閑兒偎暖兩三椽。更有玉杯傳素手。梅花相對兩爭妍。停杯聽唱月娟娟。王漢濱先生集鷓鴣天。台州倚江亭。印席和李舉之侍曹功顯賀于忱同坐。綠亂江雲雪欲飛。小軒幽會酒行時。佳人喜得鴛鴦侶。豪客爭題鷓鴣詞。歌舞地。喜追隨。欽州端恨外。還遲。謫仙狂監從來識。七步初看子建詩。虞美人。石光錫會上。印席和李舉之韻。鴛鴦碧瓦寒留雪。玉樹先春發小樓。歌舞夜流連。月落參橫一夢曉。梅邊。尊前酒量誰能惜。都是高陽客。十分莫厭羽觴傳。半醉傳停。雲鬢輝金鈿。黃山谷琴趣外篇採桑子。席上作。馬湖來舞釵初賜。韶鼓聲繁。賢將開闢。成鍊西山八詔蠻。南溪地。逐名賢重深鎖群山。燕喜公閑。一解明珠兩小鬟。減字木蘭花。印席上客有舉本嘉州中秋詩。曰云云。戲作。舉頭無語。家在明月生處住。擬上摩圍。最上峯頭試望之。偏憐絡秀。苦淡同甘誰更有。相見牽衣。月到愁邊總未知。又月中笑語。萬里同依光景佳。天水相圓。相見無因夢見之。諸兒娟秀。儒學傳家渠自有。自作秋衣。浙老先寒人未知。又。常年夜雨。頭白相依無處住。兒女成團。勸笑樽前月照之。何連高秀。千萬里來忠孝有。豈謂無衣歲晚先寒。要弟知向子。澆酒邊集好事近。保安印席上。初上

舞相時。爭看鞦韆弓窄。恰似晚霞零亂。襯一鈎新月。折旋多態。小腰身。分明是回雪。生怕因風飛去。故真珠簾隔。減字木蘭花。韓叔夏席上賦作。誰知瑩澈。惟有天天雲外月。一見風流。洗盡胸中萬斛愁。騰燒密炬。只恐夜深花睡去。想得橫陳。全是巫山一畝雲。鷓鴣天。陳章甫王席上。兩箇鴛鴦波上來。一縞揚柳掌中迴。已愁共雪因風去。便着繁絃急管催。合淺笑。勸深盃。桃花氣暖眼邊開。司空常見風流慣。輸與山翁醉玉樽。

西江月。香島趙立之郡王席上。風響蕉林似雨。燭生粉艷如花。客星乘興泛仙槎。誤到支機石下。歡喜地中取醉。溫柔鄉裏為家。暖紅香霧闌春華。不道風波可怕。趙彥端介庵詞。臨江仙。席上次元明韻。潦水似微酒。淺秋雲如妬蟾明。幽人聞馬若聞鶯。更長端有意。菊晚近無情。詩學笑中偷換。燭花醉裏頻傾。羅衣迥立可憐生。五湖雖好在。客意欲登瀛。滿江紅。江松筵席上。賜披熏爐。曾同見官槐重綠。時歸看綺疏疊嶂。楚腰翻曲。君過蓬山經歲月。我懷蘆阜分符竹。道別離。待得再歸來。人應俗。春欲動。醅初熟。追一笑。森三玉。且相對青眼。共裁紅燭。小語人家閑意態。淺寒都下新裝束。念平生和雨醉東風。從今足。點絳脣。路德友席上。山水鄉中。豈知還有中原笑。醉歌傾倒。記得昇平調。舊日年光。試把華燈

永樂大典卷三萬三千五百三十三

照。心情好有些懷抱。擬向梅花道。蝶戀花。席上雪裏珠衣寒未動。雪後清寒。驚損幽幃夢。風撼海牛簾幙重。畫著水筋如流水。一穗香雲佳客共。溜溜金槽。政爾新詞送。酒戲詩闌忘百中。燭間有箇人非衆。浣溪沙。非會黃運屬席上作。人意歌聲欲度春。春谷溫暖勝於人。勸君一醉酒如澆。梅子枝頭應有恨。柳花風底不堪頻。蓋公堂下淨無塵。好事近。在蒼州席上。草草復匆匆。相見也。還相憶。記取夢魂詩思。似水光山色。清音堂下一扁舟。誰主又誰客。休厭一杯相勸。看梅枝將白。宋李演譙。潘彥集。重山。韓守白宋瑞席間作。輕暑單衣四月天。重來闌屋指。惜流年。人間何處有神仙。安排我。花底與樽前。爭道使君賢。筆端驅萬馬。駐平川。長安只在日西邊。空回首。喬木淡疎煙。青玉案。和推中。寒少。劉席上。賦。相知元早來何暮。杜鵑送秋鴻去。春草春波愁目注。酒香花韻。綺譚妍唱。怎不思量住。虛無指點騎鯨路。箇是騷人不凡處。畫棟雲飛。簾捲雨。風流千古。一時人物好記樽前語。玉質雪山。葦城子。席上賦。細風微揭碧鱗鱗。鱗鱗深不聞聲。時見推簾籠袖玉輕輕。不似綺樓高捲幔。相指點。總分明。斜灣叢柳暗陰陰。且銷停。莫催行。只恨夕陽。雖好近黃昏。得到釵梁。客略住。無分做小蜻蜓。又。細風吹起翠田田。雨和煙。入梅天。鮮潤

永樂大典

卷二〇三五三

紫陰悄悄轉清圓。十頃蒲萄深貯碧。鷓鴣共鷺各翩翩。影搖香度小輝娟。
 竹林覽總神仙。滴露飛霜雪壑注水泉。伴了芙蓉城裏客。無一事北窗眠。
 想見故溪綠到草堂前。夕陽紅透櫻桃綠。掩映深沉沉碧。成都事事似江
 南。只是香衾兩處受春寒。李壁屬湖集鷓鴣天。然文君屏間和韻。岸柳陰
 陰。躍錦鱗。並湖蓮子恰嘗新。誰教故歲應官去。會老堂中少箇人。歸未
 久。意彌親。吹香不斷酒傾銀。行藏判已天公付。且闕而今見在身。西江
 月。和張判。屏屏新。又送鵬程軒翥。我看駒隙推移。多端時事只天知。不飲
 沉憂如醉。白首已甘蓬艾。蒼生正倚丞疑。楚臺風轉一帆吹。朝列問君
 來未。具手和詞好事近。秋日席上。金菊開芙蓉。秋意未為蕭索。臨水見山
 庭院。伴玉人杯酌。携爐終日晷沉煙。氤氳篆文。可惜被風吹散。把袖兒
 籠着。柳梢青。屏上板約紅牙。歌翻白雪。杯泛流霞。蘇小情多。潘郎年少。
 權計生涯。軒窗臨水人家。更門掩青春杏花。百萬呼盧。十千沽酒。不負
 韶華。毛滂詞醉花陰。孫守席上次會宗。檀板一聲。驚起遠山。影穿疎木。
 人在單陰中。欲覓殘春。春在屏風曲。勸君對客杯須覆。燈照瀛州綠。西
 去玉堂深。曉冷魂清。獨引金蓮燭。又 金葉猶溫香未歇。塵走歌初徹。

永樂大典卷二萬三千五百三十三

十三

暖透薄羅衣。一霎清風。人映團圓月。持盃試聽留春闕。此箇情腸別。分
 付與。嬰嬰。勸取東君。侍待芳菲節。南歌子。席上和衛守李師久。綠暗藏
 城市。清香撲酒樽。淡煙疎雨冷黃昏。零落餘塵。花片損春痕。潤入笙簫
 賦。春餘笑語溫。更深不鎖醉鄉門。先遣歌聲。留住欲歸雲。周美成清真集
 蝶戀花。席上。魚尾霞生明遠樹。翠壁粘天。玉葉迎風舉。一笑相逢蓬海
 路。人間風月如塵土。剪水雙眸雲鬢吐。醉倒天瓢。笑語生青霧。此會未
 闌須記取。挑花幾度吹紅雨。漁家傲。席上作。幾日輕陰寒恻恻。一作別
 測。東風急。巖花成積。醉踏陽春懷故園。歸未得。黃鸝。一作鷓鴣。久住潭相識。
 賴有蛾眉。一作蛾眉。能暖客。長歌屢勸金杯。一作樽。歌罷月痕來照
 席。貪歡適。簾前重露成消滴。葛郎詞柳梢青。和夫人席上。賦謝家池閣翠
 榭香。濃瑣窻紗薄。夜雨燈前。秋風筆下。與誰同。主人許我清狂。奈酒
 量來來最弱。顛倒冠中。淋漓衣袂。醒時方覺。又 空中雨閣。一段輕陰。
 翠鋪林薄。橋內仙翁。暮邊公子。共成清。主人有井留車。看席上雲輕
 柳弱。半轉蒼頭。鷓鴣窻外。無人知覺。萬立方歸。憑幾夜行船。章功。席
 間作。百尺雕堂懸蜀綺。珠簾外。玉欄瓊甃。調鼎名家。吹簫賢肯。新卜鳳凰
 佳偶。銀葉添香香蒲袖。滿金杯。壽君芳酒。喜動蟾宮。祥生熊帳。應在細

君歸後。范石湖詞。鵲天。席上作。樓觀青紅倚快晴。驚看陸地湧蓬瀛。南
園花影望歌地。東嶺松風鼓角聲。山繞水。水滌城。柳邊沙外古今情。坐
中更有揮毫客。一洗風流盡不成。江湖舊陳唐卿詞。江神子。席上文。君今
謝道。宋詞作。歌。蓮當日小蓬瀛。晚粧明。識芳卿。挽袖新詞。曾博過雲聲。又
侍僊翁燈夕飲。紅霧底。沸簫笙。催人刻燭待詩成。捧雕觥。媚盈盈。不道醉
環入夜已昏騰。墨沈香羅回。貯處。和笑道。太狂生。曾協雲莊集。醉江月。楊
州。首。坡。席。上。作。一。年。好。處。是。霜。輕。塵。飲。山。川。如。洗。晚。菊。留。花。供。燕。賞。金。錢。
寶衣鋪地。舊觀初還。層樓相望。重見升平際。小春時節。綺羅叢裏人醉。
此日武帳賢侯。六年仁政。決長淮千里。欲入駕行。仍緩帶。聊撫竹西歌吹。
紫寒煙清。玉關人老。宜趣朝天騎。香塵歸路。舊遊回首。應記。葛勝仲丹陽
集。浣溪沙。少。壯。內。翰。同。年。宦。途。日。出。後。堂。并。製。歌。詞。補。鵲。即。席。和。韻。二。首。
今夜風光戀清癩。欲教四角出車輪。金釵離立座生春。神女恍驚巫峽
夢。飛瓊元是閩風人。詔封後院寵儒臣。又溪岸沉深屢泛蘋。傾城容
見此推輪。可憐虛度二年春。暮暮來時騷客賦。朝朝新處後庭人。天留
花月伴羈臣。履齋詩餘。清江紅。對長前石司席上。疾竊頑陰風掃盡。安排
今夕。便放出一輪金鏡。故然虛碧。照徹肺肝明似水。是中空洞無他物。倚

永樂大典卷三萬三百五十三

亭車搔首問天公。天應識。人共景。都非昔。君共我。俱成客。且相違。一茶
鼓。笙。簫。笛。老。去。可。憐。杯。酒。感。醉。來。謾。把。闌。干。拍。便。明。朝。煙。水。挂。征。帆。還。相
憶。方。秋。崖。葉。亂。花。慢。慢。其。尚。書。宴。客。連。滄。龍。即。席。用。韻。慨。晴。江。渺。渺。乘。風
下。倚。滄。浪。阿。許。大。乾。坤。金。焦。兩。點。曾。幾。興。亡。平。章。古。人。安。在。但。青。山。煙。水
共。微。茫。不。道。鷺。嘲。鷓。笑。歸。來。鬢。已。蒼。蒼。垂。楊。舞。盡。斜。陽。雙。燕。語。儘。梁。忙。燕
柔。情。不。管。花。深。傳。漏。羽。急。飛。鷗。思。量。人。間。如。夢。故。半。分。伴。醉。半。伴。狂。明。日
海棠依舊。春風未老。徐娘。王以寧詞。滿庭芳。昨州席上。千古南陽。劉郎舞
國。依約楚俗春風。其姿豪氣。舊笑談中。瑞佩來從帝所許。洲花潭菊。依
容。霜。秋。曉。涼。生。月。觀。極。目。送。飛。鴻。主。公。天。下。士。揮。毫。萬。字。一。飲。千。鐘。醉
高歌起舞。喚醒人龍。我。自。人。間。漫。浪。平。生。事。南。北。西。東。醉。公。考。寒。眸。激。電
曾識小安豐。李之儀詞。臨江仙。王仲席上再賦。難得今朝風日好。春光佳
思平分。雖然公子。暗招魂。其餘儘眼處。都是舊時痕。酒到強尋歡日路。
坐來誰為溫存。落花流水不堪論。何時絃上意。重為拂桐孫。虞倚尊白首
佳臨江仙。蘇仲席上賦。萬壑千巖秋色裏。歌眉醉眼爭妍。一枝嬌柳趁公
結。趁非香葉更。詔到小蓬天。樂事便成陳迹也。依人小月始娟。尊前空唱
短因緣。引船風又起。吹過浙江邊。黃霜傑先生集。算子。子平席上賦。春

淺借和風吹綠亭。依約屏間出紫雲。入格風流處。便做鐵心腸。也
為梅花語。欲去東君更挽留。巧棧煙霞路。滿庭芳。元禮席上用少游韻。
紅開風桃。綠肥煙草。楊柳春暗重門。五陵佳興。醞付芳樽。窈窕笙簫。叢
裏。金猊篆霧。遠雲紛。句情也。歌眉低翠。依約鷓鴣村。人生須快意。十分
春事。纔破三分。况點檢年時。勝客都存。更把餘歡。上夜從微曉。蝶淚深痕。
花陰晝。米簾未捲。猶自醉昏昏。秦觀淮海詞。木蘭花。席上書。秋容老
盡芙蓉院。草上霜花。勻似剪。西樓促坐。酒杯添。風壓綉簾香不捲。玉纖慵
整銀箏。屬紅袖。時籠金鴨煖。歲華一任。委西風。獨有春紅留醉臉。王之道
相山詞。西江月。和張大伯。張曰。席上。北陸歲水欲竟。東風解凍非遙。一時
芳意巧相撩。八眼綠嬌紅小。柳色輕搖弱線。梅英紛綴枯梢。就著醉裏。賴
君鏡。歸去斜陽尚早。謝無逸。溪堂詞。西江月。陳仲席上。窄袖淺籠溫玉。脣
眉淡掃。選峯。行時雲霧繞衣襟。步步蓮生宮錦。菊與秋煙共晚。酒隨人
意俱深。尊前有客動琴心。醉後清狂不禁。陳簡齋詞。虞美人。大光社席醉
中。張帆欲去仍搔首。更醉君家酒。吟詩日日待春風。及至桃花開後却忽
忽。歌聲頻為行人咽。記着樽前雪。明朝酒醒大江流。滿載一船離恨。向衡
州。朱希真詞。鷓鴣天。許總管席上。至節先庚欲雪天。玳筵圍錦帳。青樓。蝶

永樂大典卷二萬三千五百三

古

姚副帥招佳客。太賢高明別乘賢。歌宛轉。舞蹁躑。金釵十二擁嬋娟。老
人南極星。逢佳也。趁梅花。聽管絃。鍾將之詞。浣溪沙。南湖席上次韻二首。
鬢髯雲採月帶痕。軟紅香裏步蓮輕。妖嬈六幅過腰裙。不怕滿堂佳客
醉。只恐成燭翠眉顰。更期疎影月黃昏。又蘋老秋深。水落痕。桂花微弄
雨花輕。癸仙也。解醉紅裙。太白麴君愁滿飲。小鴻眉黛愛低顰。尊前一
洗眼花昏。王民瞻詞。滿庭芳。戊辰上元。黃子餘席上。時未有月。宿雨初收。
晚風微度。萬家簾捲。青煙暗。塵隨馬。人物似神仙。試問天公。借月。天須放
明月教圓。應移下廣寒宮。懸燈火。接星躔。廬川元古郡。當時太守。賓從
俱賢。到如今。萬井歌吹喧闐。苑下紅粧賣酒。時相遇。曲水橋邊。誰知道。山
城父老。重見中興年。杜壽域詞。鳳樓梧。席上賦。閑把浮生細思量。百歲光陰。
夢裏銷除半。白首為郎。休浩歎。偷安自喜。身強健。多少英賢。禪聖旦。一
箇非才。深謝容疎懶。席上清歌。珠一串。莫交歡會輕分散。孫居敬詞。庵詞。
西江月。次韻席上。作翠幄。輕寒護夜。寒粧靚。煖宜春酒。等詩。今逐時新。仙
佩朋簪。清興。鳳炬呈妍。粟裏水仙。照座盈盈。約君策馬。賀昇平。回首樽
前風韻。李茂忠詞。卜算子。前廿夜。席上。吟草際。雪痕消。梅上春心動。
碧幕紅裙。簇畫筵。橫玉簪三弄。雅興雜魚龍。妙舞回鸞鳳。莫道司空眼

價還入清宵夢。高觀園竹屋庭語。鳳樓梧。湖樓印屏西席湖邊眉翠。嬌
冷孤山。誰是風煙主。相喚吟詩天欲雨。嫩涼不隔鷓鴣飛處。移下天孫雲
錦渚。翠蓋牽風。綽約波文。清約已成君記取。月明半夜魚龍舞。毛平仲
燕隱詞念奴嬌。次韻北德初席上。雙燕春曉望東南。千里湖山佳色。畫戟
門前清似水。特節初過燈夕。封井年登。京華日近。每報平安驛。滿城花柳
正傾千騎尋覓。憶我年少追遊。免國叨容右。多慙英識。今日懷人無限
意。老淚尊前重滴。賦詠空傳。雄豪誰在。鬢點吳霜白。招呼一醉。幸公時慰
愁寂。姚述堯詞浣溪沙。青田題半席間。與客相從謁謝公。芝田律節擁
山翁。數枝桃杏開香紅。醉眼斜拖春水綠。黛眉低拂遠山濃。此情都在
酒杯中。楊無咎逃禪詞傳言王女。王顯之席上。料峭寒生。知是那番花信。
算來都為惜花人。做恨看猶未足。早覺枝頭吹盡。曲欄幽樹。亂紅成陣。
曬酒花前。試停盃與細問。褪香銷粉。問東君怎思。韶華過半。便贏得幾場
春困。歐厥空自為花愁損。於中好。牆頭飽杏花初試。遠跡叢細。按紅
蕊。欲知占盡春明媚。請無意看桃李。持盃準擬花前醉。早一葉兩葉飛
墜。晚來旋旋深無地。更聽得東風起。又。濺濺不住溪流。素憶曾記碧
桃紅露。別來寂寞朝朝暮。恨遮亂當時路。儂家豈解空相誤。嗟塵世自

永樂大典卷二萬三百五十三

五

難知處。而今重與春為主。儘浪蕩浮花妬。又。梅花摘索穿疎竹。蔭紋
禽喜懼相逐。坐中已自清堪掬。更滿酒人如玉。新聲愛度周郎曲。捧瑤
盃再三相囑。無情有恨重分北。也捺得雙眉蹙。畢良史詞臨江僊。席上
賦。霜月穿簾乍白。蘋風入坐偏涼。庖燈促席說時光。桃花歌扇小。楊柳舞
衫長。別乘平分風月。詞人剩引觥觴。莫將幽恨攪剛腸。儘添金掌露。頻
注玉猊香。又好事近。席上賦。高會罷飛觴。方錦再移珍席。雷鼎乍烹甘
液。試問侯蒼壁。翠虬寶劍。揮枝動。明滅繁金碧。賓主放懷談笑。滿華堂
春色。周頤詞朝中措。飲饒之餘。諸公席上賦作。鄆城清勝。壓湖湘。人物
鎮相望。秀氣誰符楚澤。建安諸子文章。東風得意青雲路。穩好去騰驤
要識。登科次第。待看北斗光芒。王彭年詞同前彭年。不學空疎。才無足取。
蒙穎教養。更叨薦送。而燕饒之日。曲盡禮意。至於荷章重飲。褒寵勤至。聞
諸鄉老。請在承平時。亦無此作。退自樸處。不知何以得之。銘佩厚德。無以
自見。敢借所賜詞韻。少信悃悃。僭越犯公。悚恐無地。尚祈恕采。人材七
洋盛。三湘前輩。敢追望。慙愧史君勸駕。杯前重賜篇章。雷風斷送。魚龍變
化。雲路蜚驥。德意如何報稱。短歌莫寫毫芒。李伯虎詞同前伯虎。伏以判
府中大先生。二年邊城。作成士類。既著文以勵學者。又復增請薦名。為邦

永樂大典

卷二〇三五三

人無窮之利。兵禍荒涼之餘。遂能復承平之舊。數非思造特達。何以得此
 鄉閭士夫。庠序諸生等。方日誦盛德。而謳歌之於。恨未有稱塞。既而燕饒
 禮頓。復以佳詞。光賁行李。學校晚生。禁於拜賜。伯虎銘鏤之餘。故以俚語
 仰繼嚴韻。少見謝意之萬一。伏惟台慈。恕其狂僭。清尊之罪。而采目之。伯
 虎下情無任。悚懼之至。史君清德比清湘。妙政古相望。問暇思波萬光
 笑談風月千章。殷勤勸駕。幾人懷德。刻意騰驥。試問匣中長劍。也應增
 煥鋒芒。煥。蘇武慢。湖州趙守席上作。晴雨收梅。暗波搖柳。萬頃水晶
 官冷。橋森畫棟。岸列紅樓。兩岸翠簾交映。天上行舟。鑑中開戶。人在藥珠
 仙境。况吟煙。嘯月。彈絲吹竹。太平歌詠。人盡說。銅虎分賢。銀潢儲秀。華
 園行都。藩屏紫陰散著。篆鼎凝香。永日一庭。虛靜紅袖持觴。綵霞揮翰。適
 意酒豪詩俊。看飛雲。丹詔。行沙金動。待公歸觀。江城子。萍州王聖俞席
 上作。萍蓬蹤跡。幾時休。體。值飄浮。為君留。共話當年。年少氣橫秋。莫歎兩翁
 俱白髮。今古事。盡悠悠。西風吹夢入江樓。故山幽。謾回頭。又是手遮西
 日望皇州。欲向西湖重載酒。君不去。與誰遊。赤城詞。南歌子。七輪林席上。
 午夜添紅蠟。分曹立翠娥。既等寂寂斷經過。誰料綺叢香裏。是銀河。老
 去空髣髴。愁來奈臉波。一盃如此斷腸何。狂殺兩人心事。只聞歌。又

永樂大典卷二萬三千五百三十三

六

歌鯉榮今日。憑熊瑞此邦。年年壽酒樂城隍。共道使君椿樹似甘棠。歌
 舞重城曉。從容燕席涼。不須蘇合與都梁。風外荷花無數。是殢香。又
 北園煙中寺。西津雨後山。看公英氣兩眉間。如在林霏。江月襲人寒。展
 驥聲名久。占熊福艾全。風流不是地行仙。好去鞭笞。鷺鳳紫微天。又
 雲裏千山暖。溪頭八月涼。華簪露待萱堂。羨子懷中。雙橘半青黃。老
 去齊眉案。閑來坦腹床。相如何日從長楊。慚愧年年。高會索檳榔。又
 勝日萱庭小。西風橘袖長。天憐扇枕彩衣郎。乞與淡雲。織月十分涼。漱
 艷三危霧。氤氳百濯香。年來椿樹更蒼蒼。不用藍橋。辛苦擣玄霜。又
 畫幃經梅洞。羅衣尚麥寒。古苔蒼石綠勾欄。簾外映花。新竹兩三竿。盡
 盡吳蠶吐。娉娉楚女閑。紅陰角子共嘗酸。腸斷箇。儂愁態。小眉彎。又
 看月凭肩。梳。嬌春枕臂眠。不禁花絮夜來寒。帳底濃香。殘夢更纏綿。起晚
 籠鶯。怯。妝遲。綉伴牽。簪。聲。聲。催喚。藥。欄。邊。整。髻。收。裙。無。力。上。鞦。韆。劉。須。溪。詞
 木蘭花慢。別雲生。席間賦。午橋清夜。飲。花。露。重。燭。光。寒。約。屢。屢。行。歌。朝。朝
 買酒。典。却。朝。衫。尊。前。自。堪。一。醉。但。落。紅。枝。上。不。堪。安。歸。去。柳。陰。行。月。酒。醒
 畫角聲殘。王官難得似君閑。我見君難。記李陌看花。光陰冉冉。風雨
 番番。相逢故人。又送春歸。斜日萬重山。江上愁思。滿目離離。芳草平闊。

又和中甫李未政席上。自空同參熟。耕積薄。結緯閑。笑吾黨清談長衣。編具更進賢冠。蒼皇庇公宇下。使秋風江上不驚寒。雪夜入三城易。槐陰護一家難。東山零雨幾時還。領客竹林間。看滿座空尊。輕裘緩帶。綠鬢朱顏。風流一笑。余事定。碑金無恙。度家完。又賦南烹初食。明朝食玉何山。

水調。陳平章即席賦。夜者二星度。高會列群英。蒼顏白髮。烏帽風入古槐清。客有羽衣來者。仍是尋常百姓。坐覺孟公驚。且勿多酌我。未厭我狂醒。金甌答。銀信喜。袞衣新。向來淮浙草木。隱隱有餘聲。聞說井欄砂語。感念石壕村事。傾耳發驚雷。舉酒奉公壽。天意厚蒼生。又和尹存吾。造物反乎覆。白首困耆英。吟風賞月。石上一笑再河清。一百八盤道路。二十四橋歌舞。身世事堪驚。獨酌未能醉。已醉暮然醒。別與老鶯相見幾回新。未待燕樓未穩。滿耳又蟬聲。閑憶錢塘江上。兩點青山欲白。血石起鞭愛。此事復安在。相對說平生。千秋歲。和尚學林青足即席。新荔熟也。借問誰家早梅影。裏蜂兒繞。三更殘月上。一夜霜天曉。溪橋小。春風有意年年到。當年青鳥去。落葉無人掃。桐柱仄。瑤池老。殘鍾長樂樹。墜馬咸陽道。空回首。御街人賣南京棗。祝英臺近。奉問玉環。看師師成蝶。蝶。蹙盡不成。疊欲試。搔頭。花重怎堪捻。是誰拋過東牆。今無赤鳳。夢得似那人身。捷。

永樂大典卷二萬三百五十三

七

年時臘。曾笑梅梢和月帶霜情。誰料如今。蠶豆也如莢。便向龍門無復到。金接。待教閒到瓊林。閑便重見。又誰念昆明前劫。耶律鏘詞滿庭芳。西園。天地元如逆旅。惠自愧不駐流年。憑誰問。姮娥心事。何惜月長圓。西園張樂地。獻歌呈舞。燕擾驚喧。儘未妨顏玉。錦瑟傍邊。脫落塵凡。健筆。終不負與茶芳煙。歡緣在。判家視草。仍是玉堂仙。六國朝令。東園。席間作。鳴珂。編較。錦帶吳鉤。曾雅稱。量金結勝游。信人間。無點事。可掛心頭。須知不待把閑情。釀做閑愁。只恐落高人第二籌。歌雲容。喬夢雨。遲留。瑞慣振芳塵。不夜樓。光飾仙春盛跡。點化溫柔。素教頹。縱惜花人。標榜風流。快入醉鄉。來對醉侯。盧擊詞。蝶戀花。登封。馬史。飛卿。青席。即事。賦詞。馬馬。即祝。且伴。山。但歌。以。備。蟬。種。竹。山。分。澆。稻。水。其。穎。田。園。崧。少。屏。風。裏。玉。樹。芝。蘭。誰。可。比。堂。前。索。甚。栽。桃李。薄劣。駕兒。來。報。喜。似。說。朝。來。麥。秀。蓋。眠。起。快。喚。巢。由。同。一。醉。君。家。好。箇。人。間。世。又。于。持。而。過。席。間。贈。今。田。張。氏。大。姊。前。度。歸。田。崧。下。佳。野。店。荒。村。撫。掌。琵琶。女。忽。聽。梨。園。新。樂。府。離。鶯。別。鶴。清。如。此。歌。管。聲。殘。絃。解。語。玉。筍。春。泉。心。手。相。忘。慶。明日。扁。舟。人。欲。去。晚。風。吹。作。滿。湘。雨。最高樓。智郎中席上即事并序。于謝病北歸。郭省。即智仲。馬。

吳見昌。唐開元信龍川李公。郭故女僕思誠。索持為政最高。後。長沙。仲
郎中。長沙客。寧食武昌魚。未覺故人疎。歸舟喚醒鄰。蘭夢。賓庭容攬使君
鬢。聽民謠。今五袴。昔無襦。待留與南州。談盛事。更恰好南樓。逢老子。明
月夜古來無。江頭春草速鷓鴣。暮中秋水映芙蓉。綠鐔傾。紅袖舞。醉時扶
張仲舉詞。江坡子。吳門。岸上。雁。秋。聞。閩。城外。綠楊枝。一絲絲。比吟髭。
比似吟髭。不是。少年時。剩欲同携尊酒。去青輪。紡。縷。金。危。故人相見。成
風姿。淡燕脂。比紅兒。比似紅兒。扶醉索新詩。明日片帆。煙水遠。人去也。又
相思。定風波。見山。露。清。岸上。舞袖。歌。繁。篋。畫堂。就中偏是。展家娘。待道
無情。還有思。恰似崑山。日暖。風求。風。海上。潮。生。人。盡。醉。催。起。蘭。舟。分。散
不成。雙。面。首。玄。都。春。夢。裏。換。此。挑。花。應。自。慙。劉。郎。許。有。壬。至。正。集。沁。園。春
此。清。舟。中。即。岸。次。韓。伯。高。見。贈。贈。草。木。無。情。不。問。寒。暄。開。時。便。開。只。黃。花
多事。偏憐。隱。逸。白。頭。何。補。願。避。賢。才。老友。相。逢。清。談。絕。倒。休。教。劉。郎。去。後
我。尊。中。物。勝。他。年。千。里。漫。寄。寒。梅。神。仙。合。住。蓬。萊。奈。老。母。思。兒。思。不。回。
任。臥。莊。槐。老。休。為。癡。夢。梅。家。酒。熟。且。浣。愁。懷。渭。北。江。東。暮。雲。春。樹。何。日。扁
舟。更。此。來。公。知。不。便。連。朝。騰。鉢。鉢。幾。徘徊。牧。庵。集。黑。漆。弩。吳。子。書。岸。上
歇。丁。亥。中。秋。遊。觀。堂。對。月。本。有。秋。思。沐。香。者。今。謀。其。與。月。不。相。涉。故。改。賦

永樂大典卷二萬三百五十三

六

至。青。月。便。看。青。冥。風。露。乘。鸞。女。似。惟。我。白。髮。如。許。問。姮。娥。不。嫁。空。留。好。在
朱。顏。千。古。笑。停。雲。老。子。人。豪。過。信。少。陵。詩。語。更。何。消。斫。桂。婆。娑。早。已。有
吳。綉。揮。斧。丘。宗。御。詞。鷓。鴣。天。和。嚴。仲。二。春。同。集。席。上。然。懷。抱。瓌。奇。懶。叩。關
朝。陽。獨。賦。遠。人。村。即。看。飛。下。芝。封。詔。會。見。趣。歸。金。馬。門。今。夕。飲。拚。濡。麩。
一。特。縛。俎。盡。詩。人。唯。餘。阿。買。真。才。劣。醉。後。猶。能。寫。八。分。又。陸。海。蓬。臺
自有山。光風霽月未應慳。但將歌舞酬佳節。却信陰晴是等閒。花照夜
燭。洪。釐。明。年。公。更。酒。腸。寬。奉。陪。黃。傘。傳。相。宴。莫。忘。紅。粧。擁。翠。鬟。又。薛。公
西。東。岸。上。作。南。浦。舟。中。兩。玉。人。誰。知。重。見。楚。江。濱。憑。教。後。苑。紅。牙。版。引。上
西。川。綠。錦。茵。繞。淺。笑。却。輕。頻。淡。黃。楊。柳。又。催。春。情。知。言。語。難。傳。恨。不。似
琵琶道得真。太常引。仲夏。席上。戲。作。憎。人。虎。豹。守。天。關。並。嗟。蜀。道。十。分
難。說。與。沐。猴。冠。這。富。貴。於。人。怎。說。忘。形。尊。俎。能。言。桃李。日。日。在。東。山。不
醉。有。餘。歡。唱。好。箇。風。流。謝。安。清。平。樂。李。州。使。席。上。清。歌。逐。酒。醉。臉。鮮。霞
透。櫻。小。杏。青。寒。食。後。衣。換。縷。金。輕。繡。畫。堂。新。月。朱
扉。葭。城。夜。鼓。歸。遲。細。看。玉。人。粧。面。春。工。不。在。花。枝

席氏

商音。安定元和姓纂本姓籍普大夫籍談之後也談十三代孫環避項羽名改為席氏漢初徙關東豪族席氏後徙安定臨

涇安定臨涇。陳十代孫廣。後漢光祿勳。玄孫允。魏酒泉郡守。允玄孫保。符秦尚書左丞。生銜。晉建威將軍。寓居襄陽。任南四代。銜玄。國歸後魏。湖州刺史。靖安公。玄孫君懿。皇侍御史。懿曾孫建。吳晉建。禮部尚書。襄陽文公。孫休。襄中書舍人。生鴻。又席法友。與裴叔業自南歸後魏。拜并州。姓氏急就。篇後漢。實融。司馬。席封。議郎。席廣。晉。席坦。席遂。南齊。席恭。穆。席豪。後魏。席法友。後周。席國。唐。席豫。席榮。席辯。席傳。元。慶。宋。席益。席平。席汝言。古今姓氏辨證。漢有安定太守。席永家焉。啓別青錢徵音。羅泌。路史。高平氏紀。荀侯諸侯之伯。晉滅之。為公族。後遊教為席氏。

席聞文

梁書聞文。安定臨涇人也。少孤貧。涉獵書史。齊初為雍州中兵參軍。領城局。高祖之將起義也。聞文深勸之。穎胄同焉。仍遣田祖恭私報高祖。并獻銀裝刀。高祖報以全如意。和帝稱尊。號為給事黃門侍郎。尋遷衛尉。卿。穎胄暴卒。州府騷擾。聞文以和帝幼弱。中流任重。城始興。王僧留鎮雍州。乃與西朝群臣迎王總州事。故賴以寧輯。高祖受禪。除都官尚書輔國將軍。封山陽伯。邑七百戶。出為東陽太守。又改封湘西。戶邑如故。視事二年。以清白著稱。卒於官。諡贈錢三萬布五十匹。謚曰感。見此。

水樂大典卷二萬三百五十三

十九

後。

席固

周書列傳。固字子堅。其先安定人也。高祖銜因後秦之亂。寓居於襄陽。仕晉。為建威將軍。遂為襄陽著姓。固少有遠志。內明敏。而外質朴。梁大同中。為齊興郡守。屬侯景度江。梁室大亂。固久居郡。戰士多附之。遂有親兵千餘人。梁元帝嗣位江陵。遣興州刺史。於是軍民慕從者至五千餘人。固遂欲自據一州。以觀時變。後懼王師進討。方固內屬。密謂其腹心曰。今梁氏失政。揚都覆沒。湘東不能復讎雪恥。而骨肉相殘。守文丞相。躬啓霸基。招徠以禮。吾欲決意歸之。與卿等共圖富貴。左右聞固言。未有應者。固更諭以禍福。諸人然後同之。魏大統十五年。以地來附。是時太祖方欲南取江陵。西定蜀漢。聞固之至。甚禮遇之。乃遣使就拜。使持節。驃騎大將軍。開府儀同三司。大都督侍中。豐州刺史。封新豐縣公。邑二千戶。後轉湖州刺史。固以未經朝謁。遂蒙榮授。心不自安。答求入覲。太祖許之。及固至。太祖與之歡。賜甚厚。進爵靜安郡公。增邑并前二千三百戶。尋拜昌歸憲三州諸軍事。昌州刺史。固居家孝友。為州里所稱。滌官之慶。頗有聲績。保定四年。卒於州。時年六十一。贈大將軍。襄豐。唐。復。五。

永樂大典

卷二〇三五三

州刺史。諡曰厲。仍勅襄州。賜其墓。子世雅。嗣世雅。字彥文。性方正。少以孝聞。初以國功。授車騎大將軍。儀同三司。除黃城郡守。累遷開府儀同三司。順直二州刺史。大象末。位至大將軍。世雅弟世英。亦以國功。授儀同三司。後至上開府。儀同大將軍。實見錄。全傳後。

席法友

魏書法友。安定人也。祖父南奔。法友仕蕭警。以膂力自効。軍勳。稍遷至安豐。新蔡二郡太守。建安成。主蕭寶卷。遣胡

景略代之。法友遂留壽春。與叔業同謀歸國。景明初。拜冠軍將軍。預州刺史。包信。縣開國伯。食邑千戶。始叔業卒。後法友與裴植。追成叔業志。淮南。魏定。法友有力焉。尋轉冠軍將軍。華州刺史。未得改除。并州刺史。餘代。遷蕭衍。遣將揚公。則冠揚州。假法友征虜將軍。以討之。法友未至。而公則敗走。後假法友前將軍。持節為別將。出淮南。欲解胸山之圍。法友始渡淮。而胸山敗沒。遂停散。十年。恬靜自愛。不競勢利。世宗末。以本將軍除濟州刺史。在州。廉和者稱。又徙封乘氏。肅宗初。拜光祿大夫。熙平二年卒。贈平西將軍。秦州刺史。贈帛三百匹。諡襄侯。子景通。襲善事元。兼以貨賂。又父繼。繼為司空。引景通為掾。後加右軍將軍。鎮軍將軍。卒官。贈輔國將軍。衛尉少卿。子鷗。襲永安。尚書郎。走關西。

永樂大典卷二萬三千五百三十三

下

席豫

新唐書列傳。豫。字建侯。襄州襄陽人。後周昌州刺史。國七世孫。後徙河南。長安中。舉學。兼流略。詞擅文場。科擢上第。時年十六。

以父喪罷。復舉手筆。使拔科中之補。家邑尉。奏事闕下。會節愍太子。難。安樂公主。請為皇太女。豫曰。昔梅福上書。譏后族。彼何人哉。乃上疏。請立皇太子。語深切。人為寒懼。太平公主聞其名。將表為諫官。豫恥行。故謁適去。俄舉賢良方正。與等為陽翟尉。開元初。觀察使薦豫。賢。遷監察御史。出為樂壽令。前令以親喪解。而豫母病。訴諸朝。改豫州。倉參軍。復舉。起扶。群類科。會母喪。去服。除授大理丞。遷考功。負外郎。進結。清明。為中書舍人。與韓休。許景先。徐安貞。孫。遊名相。甲乙。出鄭州刺史。韓休。輔政。舉代。已入拜。吏部侍郎。玄宗曰。卿前日考功。職詳事。允。故有今授。豫。典選。六年。拔寒。速士。多至。臺閣。當時。推知人。號席公云。天寶六載。進禮部尚書。累封。襄陽。縣子。凡四。以使者。按行。江南。江東。淮南。河北。南方。俗死。不葬。暴骨。中野。豫。教。以埋。飲。明。列。科。防。俗。為。之。改。豫。清。直。七。欲。當。官。不。為。勢。權。所。撼。性。謹。畏。與。子。弟。屬。史。書。不。作。草。字。或。曰。此。細。事。耳。何。留。慮。答。曰。細。不。謹。况。大。事。邪。及。疾。篤。道。令。三。日。飲。飲。已。即。葬。勿。久。留。以。贖。公。私。貲。不。足。可。賣。居。宅。以。終。喪。卒。年。六十九。贈。江。陵。大。都。督。諡。曰。文。帝。嘗。登。朝。元。閣。賦。詩。群。臣。屬。和。帝。以

豫詩最工。詔曰。詩人之冠。見也。第晉亦以文名當時。

席相

姓氏。進華相。唐泉州太室。泉州北極。歐陽唐記曰。安定席公。貞元七年下車。

席旦

宋史列傳。席旦。字晉仲。河南人。七歲能詩。嘗登沈黎嶺。得句。警據。觀者驚異。元豐中舉進士。禮部不奏名。時方求邊功。旦請開上書。言戰勝易。守勝難。知所以得之。必知所以守之。神宗嘉納。今走試。賜第。歷齊州司法參軍。鄆州河陽教授。教令所制定。官徽宗召對。擢右正言。遷左司諫。御史中丞錢適率同列請廢元祐皇后。而冊劉氏為太后。旦面質以為不可。適劾旦陰佐元祐之政。左轉吏部員外郎。改太常少卿。遷中書舍人。給事中。新定殿中省。命為監。俄拜御史中丞兼侍講。內侍郝隨驕橫。旦劾罷之。郝人誦其直。帝以其章有媚惑先帝之語。嫌為指斥。旋改吏部侍郎。以顯謨閣待制。知宣州。召為戶部侍郎。遷吏部。郝隨後入侍。乃以顯謨閣直學士。知成都府。自趙諒以狂謀誅後。蜀數有妖言。議者遂言蜀土習亂。或導旦治以峻猛。旦改和平。徙鄆州。入見。言蜀人性善柔。自古稱兵皆怨。皆非其土俗。願勿為慮。遂言蜀用鐵錢。以其艱於轉移。故權以楮券。而有司冀贏羨為之益多。使民不敢信。帝曰。朕為卿損數百萬。虛券而別給。給錢與本業可乎。對曰。陛下幸加惠遠民。不愛重費。以救散法。此古聖王用心也。自是錢引稍仍。故坐進對淹留。熙知滁州。久之。帝思其治蜀功。復知成都。朝廷聞西南夷。黎州守詣幕府白事。言雲南大理國求入朝。獻。旦引唐南詔為蜀患。拒却之。已而威州守焦才叔言。欲誘保霸二州內附。旦上章劾才叔為姦利。致因諸蕃之狀。宰相不悅。代以龐恭孫。而徒旦永興。恭孫俄罪去。加旦述古殿直學士。復知成都。時郵永壽陽。足侯納土。樞密院用以誅旦。旦曰。吾以為朝廷悔開疆之禍。今猶自若耶。力辭之。卒于長安。年六十二。贈大中大夫。曰立朝無所附徇。第為中丞。特。恭王似有以疑就第。旦糾其移。出府詣推洵。官吏議者晒之。子益。字大光。紹興初。參知政事。

永樂大典卷三萬三千三

五

席汝言 姓氏。進華汝言。字君從。宋司封郎中。年七十八致仕。元豐中。安危唐上宰。功成身退。漢留侯。二公閒。微開高宴。九老雍容。奉膝流。共推歡。恩意洽。不矜榮。貴禮容。優賞心。舉事人間。處。豈待今希古。其倚。杜

席汝言

文彥博。寓弼十三。合洛陽耆英。會汝言等三人。詩云。保國

安危唐上宰。功成身退漢留侯。二公閒微開高宴。九老雍容奉膝流。共推歡恩意洽。不矜榮貴禮容。優賞心舉事人間處。豈待今希古其倚。杜

歲塵埃祿仕奉。老歸重到舊林泉。曾無勲業書青史。偶幸康寧養老年。自
分社門居陋巷。敢期叙齒豫公庭。更慙形穢才涼薄。不稱圖真接鉅賢。

席誠信

汝州開集有元故奉訓大夫同知威楚開南等路總管席
君神道碣銘并序 至大己酉秋八月。哉生明之三日。奉

訓大夫席君誠信。甫卒官同知威楚開南等路總管。越五年。皇慶癸丑。其
子孟州學正雲漢持自馬事狀。自懷走郢。拜而言曰。雲漢不天。先人無福。
即世遠矣。時雲漢守舍吾鄉。其於襲歿之物。祖墳之奠。皆不能親追。計之
至。始得發喪萬里之外。惡逆之罪。逃固無所。今幸及匱。從英先祖之兆。其
葬官一二遺善在人口耳者。非託史臣言信一世者文之墓碣。則益下同
凡民。泯無聞矣。敢泣血請。燧由與君有雅。一日又雲漢觀光神都。嘗主吾
家。為樂括曰。席始相人。徙同之朝邑者。不知何世。金季遷三輔。民間東。曾
祖某家今孟之濟源。生元及金。徐州節度判官完與君。祖愿。考遠。大兵熾
至。郡豪將適民為避患謀。阻山為壁。虞內應敵。視其來歸。必詢眾求其平
昔何如。有為人共疾者。皆投諸澗中。惟其家與有善譽者存。或夜盜至。急
滅燭求隱。盜憤言曰。若避邪。索得必刃之。則應曰。吾與死暗室。何若出死
於天之下。盜識其聲。問考遠。考曰。然。盜相語曰。我殺良士。遂去。皇中書括

永樂大典卷三萬三千五百三十一

三

葛公。辟行軍參謀不起。惟一志於學。雖干戈搶攘不廢。苦於無書。從人假
本手錄。日以萬字為程。故經史子集。天官地志。道釋丹經藥鏡。積多至萬
有餘卷。時國尚武。人或道之。用是何為。則曰。吾子孫他日尚有藉此士而
興者。生君考汝礪。性友愛。後三第汝霖汝楫。實求分異。巧畫推所業居與
之。而躬拾廢地。无隙作室。生君漸涵家訓。以善書計為隸吏。已有及民利
物之志。縣有寨母。訟子幼而物力不豐。賦役煩重者。皆輕平之。後以升吏
懷孟。總府計于朝事最。他路雲南入覲省臣。問而才之。求與偕行。初世祖
平雲南。運留宣撫司大理。治點蒼山。至元十二年。肇建行省。臨制其上者。
盈一紀矣。會中書考理。其省錢穀。錢選。厯雜無次。責令檢覈。曾未踰時。編
摩訶。遂補掾屬。滿考勅官承務。調烏蒙路總管府判官。省臣安曰。他所
無聞。是不可以久汝。其勿薄之。而勉於行。尋有善地。遷之。君曰。省之與路。
均職王事。何有中外。苟是路事。倍於前。分省少憂。亦所願也。遂行。乃陳隆
福宮。臣獻計烏蒙。其地善水草。宜牧。請以西南夷所括馬牛羊蹄角。如千
千。即是為監。處可得物。積羔倍是。司監恃之。縱食民苗。取賂其主。必滿所
欲。移群他鄉。周游無窮。民受其毒。積有歲年。盜所蕃息。私有之家。實無小
益於上。而大播怨於下也。如紆其急。無便是者。後宣副李京中以為言。遂

罷之。召入。攝省理問官。後以行省移近地。鳴池。則古昆明碧鷄山。距大理且千里。事多隳弛。中書省議是一宣司。非得經歷。魁健者。網維之。不可遂以君代表者為之。至則善推明時柔遠之恩。招叛撫徠。民懷其惠。大德乙巳。改授威楚開南等路總管判官。俄制官奉訓同知。是路舊賦金之州。歲遣使即彼以取。非行苞苴。權貴與故且親者。不得既至。惟首求賄。謀歸為獻。顧以其適充官。後微手書。又復遣使責其不足。民厭煩苛。積怨且怒。殺州郡長吏以叛者。在在有之。君言宜勿遣使。惟責民自輸之。省可。絕上下相蒙。連亂之原。省惟利其故習。言竟未行。顧遣君督所部賦金。明年。君瘴以卒。年五十八。以睽隔遠裔。訃不待至。當至大庚戌。雲漢適客吾所。而夫人李以是年八月之望。年五十九亦卒。而二喪併聞。地其反也。夫人季子雲表已葬。赴雲南矣。又明年皇慶之元。裘骨以歸。同穴於崇孝鄉。士賓里之先塋。雲漢又曰。以吾先人敬其桑梓。雖出使八番順元。見鄉之戍兵疾者。館而藥之。待其良已。在官嘗付黃金三百六十銖。牛氏子令寄其家。其人資以速賈不歸。君使過家。或勸取償其母。君曰。是鄉疾矣。如迫做之。或盡傷心。重其在疾。必湏子歸。分俸金以問親戚。故舊之家。空素不受焉。夫人之治家教子。有法且嚴。睦姻中外。生多先人一年。其子也。同在八月。而不

足三日。夫夫婦婦。積德平時。事無過舉。宜耆耄矣。而皆不及者。年彼司命者。意何如也。嗚呼。其說真可哀哉。君五子。二女歸同縣劉氏吳氏。其三皆妾西南夷女所生。未名。男孫二沉。孟。女孫一。銘曰。人臣為比。猶射者矢。視侯之張。繼所速過。嗟若大理。世皇所數。謂為遠邪。交函巨而。謂為過邪。其去象魏。道阻且長。萬里奚翅。帝憫難結。文書既同。匪官華臣。不變費風。及建行省。君實其據。置雖于費。其末已見。迨其捕郡。求民瘼原。為策上千。懇悃盡言。甫及制授。知總威楚。伯強降戾。殞越于掖。太行之陽。惟君之鄉。錄考及曾。三世有歲。滿骨既歸。竟無安彼。免及嗚呼。見凌夷鬼。

素良妻席氏

宋沈存中長興集。席氏墓誌銘。夫人毗陵素氏。素士良之妻。同郡席氏佐之女。大父翊。曾大

父循。子男四人。默。照。烈。三女子皆早世。夫人歸素氏五十有五年。年七十有六。以卒。治平元年。子為椽淮南。有弔於北州。過揚者。皆重客。疑必有貴者喪已。而使來告。哀求文銘其葬。則于友人毗陵素君思正之親。席夫人也。子既善。思正宜其知其母夫人之賢。為可信於後。遂考次其行。而叙之曰。夫人謙謹和柔。天性甚順。於為善。常樂聽人之講學文。能以教其不率者。由是席氏在州為大窳。凡百餘人。皆能使之愛已。由已而有善。既歸素

歌連海嶠。春風燈火過。漣中席上和者皆莫及。開封尹宋喬年不能詩。密走介求援於其客。周子雍得句云。風生閭闔春來早。月到蓬萊夜未中。為詩輩所稱。子雍汝陰人。曾受學於陳無已。故有句法。則作文為詩者。可無師承乎。四水潛夫輯。禁中自去歲九月。賞菊燈之後。迨選試燈。謂之預賞。一入新正。燈火日盛。皆脩內司諸瑞分主之。競出新意。年異而歲不同。往往於復古庸福清燕明華等殿張掛。及宣德門梅堂三間臺等處。臨時取旨。起立鰲山。燈之品極多。見世品。每以蘇燈為最。圓片大者徑三四尺。皆五色琉璃所成。山水人物。花竹翎毛。種種奇妙。儼然着色便面也。其後福州所進。則純用白玉。晃耀奪目。如清冰玉壺。奕徹心目。近歲新安所進。益奇。雖圓骨悉皆琉璃所為。觀無骨燈。禁中嘗令作琉璃燈山。其高五丈。人物皆用機關活動。結大綵樓貯之。又於殿堂梁棟窓戶間。為漏壁。作諸色故事。龍鳳噴水。蜿蜒如生。遂為諸燈之冠。前後設玉樹簾。寶光花影。不可正視。仙韶內人。迭奏新曲。聲聞人聞。殿上鋪連五琉璃。閣皆迷文戲。龍百花。妙窓間垂小水晶簾。流蘇寶帶。交映璀璨。中設御座。恍然如在廣寒清虛府中也。至二鼓。上乘小輦。幸宣德門觀鰲山。鰲輦者皆倒行。以便觀賞。金爐屈臂如祥雲。五色焚煙炫轉。照耀天地。山燈凡數千百種。極其新巧。

永樂大典卷二萬三千五百四

惟惟奇奇。無所不有。中以五色玉欄。簇成皇帝萬歲四大字。其上伶官奏樂。稱念口號致語。其下為大露臺。百藝群工。競呈奇伎。內人及小黃門百餘。皆中裝翠蛾。做街坊清樂。傀儡緣繞於燈月之下。既而取旨宣喚市井舞隊。及市食樂。先是京尹預擇華潔。及善歌叫者。謹伺于外。至是歌呼競入。既經進御。妃嬪內人而下。亦爭買之。皆數倍。得直金珠磊落。有一夕而至富者。官滿既滿。始宣放煙火百餘架。於是樂聲四起。燭影縱橫。而駕始還矣。大率做宣和盛際。愈加精妙。特無登樓賜宴之事。人問不能詳知耳。都城自舊歲冬孟。駕回。則已有乘肩小女。鼓吹舞。繪者數十隊。以供貴邸豪家。幕次之觀。而天街茶肆。漸已羅列。燈毬等求售。謂之燈市。自此以後。每夕皆然。三橋等處。客邸最盛。舞者往來最多。每夕樓燈初上。則簫鼓已紛然。自獻於下。酒邊一笑。所費殊不多。往往至四鼓乃還。自此日盛。一日。姜白石有詩云。燈已闌珊。月氣寒。舞兒往往夜深還。只應不盡婆娑意。更向街心弄影看。又云。兩陌東城盡舞兒。盡金剗繡滿羅衣。也知愛惜春遊夜。舞落銀蟾不肯歸。吳夢窓玉樓春云。茸茸輕帽遮梅額。金蟬羅剪胡衫窄。乘看爭看小腰身。倦態強隨開鼓笛。問得家在城東陌。欲買千金應不惜。歸來因頓殢春眠。猶夢婆娑針起拍。深得其意態也。至節後。浙有大

隊如四圍朝僊備行歌之類。日趨於盛。其多至數十百隊。天府每夕差官點視。各給錢酒油燭。多寡有差。且使之南至昇陽宮。支酒燭。北至春風樓。支錢。終夕天街鼓吹不絕。都民士女羅綺如雲。蓋無夕不然也。至五夜則京尹乘小提轎。諸舞隊次第簇擁前後。連亘十餘里。錦繡填委。蕭鼓振作。耳目不暇給。吏魁以大囊貯楮券。凡遇小經紀人必搗數千。謂之買市。至點者以小盤貯梨藕數片。騰身逃出於網人之中。支請官錢數次者。亦不禁也。李賀房詩云。斜陽盡處蕩輕煙。輦路東風入管絃。五夜好春隨步履。一年明月打頭圓。香塵掠粉翻羅帶。密炬籠綃闌玉鈿。人影漸稀花露冷。踏歌吹度曉雲邊。京尹幕次例占西市坊。禁闌之地。黃燭亂盆。照耀如畫。其前列荷校囚數人。大書犯由云。某人馬不合搶撲釵環。換擔婦女。繼而行遣一二謂之裝燈。其實皆三獄罪囚。姑借此以警姦惡。又分委府僚。巡警風燭。及命都轄房使臣等。分任地分以緝姦盜。三獄亦張燈。建淨獄道場。多裝獄戶故事。及陳列獄具。獄第好事者。如清河張府將御藥家。間設雅戲煙火。花邊水際。燈燭燦然。遊人士女縱觀。則迎門酌酒而去。又有幽坊靜巷好事之家。多設五色琉璃燈。更自雅潔。靚粧笑語。望如神仙。白石詩云。沙河雲合無行處。惆悵來遊路已迷。却入靜坊燈火空。門門

永樂大典卷三萬三千五百四

相似列蛾眉。又云。遊人歸後天街靜。坊陌人家未閉門。簾裏垂燈照博局。坐中嬉笑覺春溫。或戲於小樓。以人為大影戲。兒童譁呼。終夕不絕。此類不可遽數也。西湖諸寺。惟三竺張燈最盛。往往有官禁所賜貴璫所遺者。都人好奇亦往觀焉。白石詩云。珠絡琉璃到地垂。鳳頭銜帶玉交枝。君王不賞無人進。天竺堂深夜雨時。元夕節物。婦人皆戴珠翠鬧蛾。玉梅雪柳。菩提茶燈毬。銷金合蟬路袖項帕。而衣多尚白。蓋月下所宜也。游手浮浪輩。則以白紙為大蟬。謂之夜蛾。又以素肉皮屑為丸。繫以鐵絲。然之。名火揚梅。節食所尚。則乳糖圓子。餛飩科斗。粉豉湯水。晶脂韭餅。及南北珍果。并皂兒糕。宜利少澄沙糰子。滴酥鮑螺酪麵。玉消膏。琥珀錫輕錫生熟灌藕。諸色瓏經。蜜煎蜜裹糖瓜。薑煎七寶薑豉十般糖之類。皆用鏤鑄裝花盤架。車兒簇擁飛蛾。紅燈綠盞。歌吹喧闐。幕次往往使之吟吟。倍酬其直。白石亦有詩云。貴客鈞簾看御街。市中珍品一時來。簾前花絮無行路。不得金錢不肯回。競以金盞細合。簇釘饋遺。謂之市食。合兒翠簾綃幕。絳燭紗籠。適呈舞隊。密擁歌姬。脆管清吭。新聲交奏。戲具粉嬰。驚歌售藝者紛然而集。至夜闌則有持小燈照路拾遺者。謂之掃街遺細。墮珥往往得之。亦東都遺風也。唐李郢詩上元夕寄湖杭二從事。戀別山燈憶水燈。山